


Чирчукан

424

Чирчукан
Чирчукан
Чирчукан

9(075)
11-30

Рубли
1910



Գ. ՎԱՐԴԱՆԵԱՆ ԵՒ Ո. ԽԱՆ-ԱԶԱՏ

ԴԱՍԱԳԻՐՔ

ՊԱՏՄՈՒԹԵԱՆ

ԱՌԱՋԻՆ ՏԱՐԻ

Երրորդ բարեփոխտած տպագրութիւն

(152)

9(075)
4-30

Թ Ի Ց Լ Ի Ա
Էլեկտրոս Տպարան ՕՐ. և ԱԼԱՆՅԱՆԻ ՊՈՂԻ. 7
1910

Բ 3-492/2

Գ. ՎԱՐԴԱՆԵԱՆ ԵՒ Թ. ԽԱՆՈՑՏ

9(075)

4-30

ԴԱՍԱԳԻՐՔ
ՊԱՏՄՈՒԹԵԱՆ

ԱՌԱՋԻՆ ՏԱՐԻ

ՆԱԽԱՊԱՏՄԱԿԱՆ ՄԱՐԴԸ ԵՒ
ՀԱՅԿԱԿԱՆ ԱՌԱՍՊԵԼՆԵՐ

ԵՐԵՎԱՆ բարեփոխած տպագրութիւն

31 պատկերով Եւ մէկ գալաքար հարտեզով

2004

ՀԽԲ. № 29006
Թ Ի Ց Լ Ի Ս

ԷԼԵՖՐԱՄԱՐԴ ՏՊԱՐԱՆ ՕՐ. Ն. ԱՂԱՆԵԱՆԻ ՊՈՒՅՑ. 7

1910

ԵՐԿՈՒ ԽԾԱՔ

ԱՌԱՋԻՆ ՀՐԱՏԱՐԱԿՈՒԹԵԱՆ ՄԱՍԻՆ

Սոյն գասագիրքը կազմել մեզ թելադրել է այն հանգամանքը, որ 1906 թւականին հրատարակւած լինելով «Նախագիծ-ծրագիրը», նրա հետ սակայն չտրւեցին այնպիսի դասագրքեր, որոնք ծրագրի ուղղութեամբ ուսուցիչներին և աշակերտներին պէտք եղած դիւրութիւնը ընծայէին: Մենք գիտենք շատ ուսուցիչներ, որոնք, ստանձնելով այդ առարկայի գասաւանդութիւնը, շարած էին մնացել, թէ որտեղից սկսել և ուր յանգել:

Հրատարակելով այս գասագիրքը, մենք պարտք ենք համարում յայտնել, որ սա մի փորձ է մեր կողմից, գէթ մասամբ լրացնելու այդ՝ այնքան զգալի պահանջը: Միանգամայն ցանկալի է մեզ համար և չափազանց շնորհակալ կը լինենք, եթէ մեր ուսուցիչները — որոնք կգործածեն սոյն գասագիրքը—բարի լինեն իրանց նկատողութիւնները յայտնել մեզ, որպէսզի հնարաւորութիւն ունենանք ապագայում ուղղել նրա թերութիւնները:

Աշխատելով հաւատարիմ մնալ «Նախագիծ-ծրագրի» բովանդակութեանը, մենք սակայն նիւթերի գասաւորութիւնը փոքր ինչ այլ կերպ ենք կատարել, այն է՝ մենք նախապատմական մարդու պատմութիւնն ու հայկական առասպելները չենք բաժանել միմեանցից ու տւել առանձինն, ինչպէս որ թելադրում է վերոյիշեալ ծրագիրը, այլ շատ աւելի նպատակայարմար ենք համարել հայկական առասպելները, ըստ յարմարութեան՝ մէջ ընդ մէջ կցել նախապատմական մար-

Ա50 63-ակ



29329-67 Q

դու պատմութեան հետ, իբրև մի-մի նմուշներ շատ հին ժամանակներում ապրող ցեղերի ու ազգերի հասարակական ու քաղաքական կեանքի, որոնց մասին ընդհանուրապէս պատմը է նախապատմական մարդու պատմութեան ընթացքում:

Այդպէս դասաւորիլով հայկական առասպելները, կարծում ենք, հնարաւորութիւն ենք տալիս ուսուցիչներին չաւանդել նրանց, իբրև կեանքից բոլորովին կտրւած հէքիաթներ, այլ, ընդհակառակը, օգտւելով նրանից, կօնկրետ կերպով ցոյց տալ ու բացարել այն բոլորը, ինչ որ, իբրև թէպով ցոյց տալ ու բացարել այն բոլորը, ինչ որ, իբրև թէօրիա, աւանդուում է նախապատմական ցեղերի ու ազգերի հասարակական, տնտեսական, քաղաքական ու մտաւոր կեանքի վերաբերեալ:

Առասպելները կազմելիս մենք օգտւուի ենք գլխաւորաբար Մովսէս Խորենացուց և Պալասանեանից, նոյնպէս աչքի առաջ ենք ունեցել Ստ. Լիսիցեանի, Մ. Արեղեանի և այլ հեղինակների աշխատութիւնները: Իսկ ինչ վերաբերում է նախապատմական մարդու մասին պատմւածքներին, մենք ձեռքի տակ ենք ունեցել Շառլ Լետուրնօի սոցիուօգիական մի ըանի աշխատութիւնները, Ֆ. Էնգելսի «L'évolution de la famille et de la propriété», Մասպերոյի «Histoire ancienne des peuples de l'orient», Լիպերտի «История культуры», պրօֆ. Կուդրիավսկու «Какъ жили люди въ старину», Վ. Լունկեվիչի «Чудеса обожития» և ուրիշներ: Նկարներն էլ գլխաւորաբար վերցրել ենք Լիպերտի, Թդ. Բ. Տայլորի և Լունկեվիչի վերոյիշեալ գրքերից, իսկ երկու կլիշներ պ. Ստ. Լիսիցեանից:

Առաջին փոքր քարտէզը վերցրել ենք Մասպերօյի վերոյիշեալ գրքից, իսկ մեծը կազմել ենք Կովկասեան Զինւոր. շտաբի վերջին հրատարակութեան քարտէզներից:



ԵՐԿՈՒ ԽՈՍՔ

ԵՐՐՈՐԴ ՀՐԱՏԱՐԱԿՈՒԹԵԱՆ ՄԱՍԻՆ

Հէնց այն պարզ հանգամանքը, որ մեր այս դասագիրքը երկու տարւայ մէջ լոյս է տեսնում արդէն երրորդ հրատարակութեամբ *), պարզ ապացոյց է, որ մեր «փորձը», ինչպէս մենք անւանել էինք մեր աշխատութիւնը, բաւականին յաջող էր դուրս եկել: Սակայն մենք միանգամայն հեռու էինք այն կարծիքից, թէ մեր գիրքը զերծ է թերութիւններից: Ընդհակառակը՝ հէնց մեր անձնական երկամեայ դասաւանդումը սոյն դասագրքով, բաւական էր մեզ նկատելու նրա մի շարք թերութիւնները: Եւ մենք այս անգամ լոյս ենք ընծայում մեր դասագրքի սոյն երրորդ հրատարակութիւնը բաւականին մեծ փոփոխութիւններով:

Փոփոխութիւններ անելիս մենք, ի հարկէ, նոյնպէս զեկավարել ենք և մեր այն բազմաթիւ ընկեր-ուսուցիչների նկատողութիւններով, որոնք մեր գրքով են դասաւանդել:

Գլխաւորաբար աշխատել ենք ամեն կերպ մատչելի գարձնել դասագիրքը մեր ծխական դպրոցների Ալ-րդ բաժանմունքի սաների համար: Այդ նպատակով փոփոխութիւնների ենք ենթարկել դասագրքի թէ լեզուն ու թէ նիւթի դասաւորութիւնը: Կան այնպիսի գլուխներ, որոնք լրացւած, աւելի պարզաբանւած են, և կան այնպիսիներն էլ, որոնք կըրճատւած և մինչեւսկ դուրս են գցւած:

*.) Երկրորդ հրատարակութիւնը լոյս տեսաւ անցեալ տարի Հոկտեմբերին այնպիսի հապճեպով, որ մինչեւ իսկ գրքի երեսին չէր նշանակւել երկրորդ հրատարակութիւնը լինելը:

Դուրս են գցւած այն գլուխները, որոնք թէկ շատ հետաքրքրական են հասակաւոր ընթերցողների համար, բայց խիստ դժւարամարս են փոքր մանուկների համար։ Դուրս ենք զցել նաև փոքրիկ քարտէզը (Միջագետքը առանձին նըկարւած), բայց դրա փոխարէն աւելացրել ենք 6 նոր պատկերներ, որ վեցը ենք Բագողինայի „Իտ. Խալդե“ գրքից։

Ուսուցիչ և ոչ-ուսուցիչ ընկերների ու բարեկամների հարցասիրութեանը գոհացում տալու համար, աւելորդ չենք համարում այստեղ ասելու, որ գասագրքիս այն մասը, որ նախապատմական կուլտուրայի զարգացման պատմութիւնն է կազմում, գրել է Ռ. Խան-Ազատը, իսկ Հայկական առասպելներն ու աւանդութիւնները՝ Գ. Վարդանեանը։ Ամբողջ գրքի իմբագրութիւնը կատարել ենք միասին, իսկ սրբարութիւնը՝ Գ. Վարդանեանը միայնակ։ Մեծ քարտէզն էլ Գ. Վարդանեանն է կազմել։

Ն Ա Խ Ա Բ Ա Ն

Ինչպէս որ մենք հետաքրքրում ենք իմանալու, թէ մվրեր են եղել մեր ծնողներն ու պատերը, այնպէս էլ մենք պիտի հետաքրքրենք, թէ ի՞նչպիսի մարդիկ են եղել արդեօք մեր նախապատերը, որոնք ապրել են մեզնից տասնեակ հազարաւոր տարիներ առաջ։ Խիստ հետաքրքիր է իմանալ, թէ ո՞րտեղ և ի՞նչպէս են ապրել նրանք, ի՞նչպիսի կեանք վարել, ի՞նչ սովորութիւններ ունեցել և այլն։

Մենք գիտենք, օրինակ, որ մեր պապերը, որոնք մեզնից 20—50—100 տարի առաջ են ապրել, բոլորովին հասկացողութիւն ու գաղափար չեն ունեցել շատ այնպիսի բանների մասին, որոնք մեզ համար արդէն սովորական բան են համարում։ Այսպէս օրինակ, նրանք ոչ մի հասկացողութիւն չունէին և չեին էլ կարող ունենալ աւտօմօրիլի, գրամօֆօնի, հեռախօսի, երկաթուղու, հեռազըրի և շատ այդ կարգի բանների մասին, որ վերջեն ժամանակներումն են միայն մարդիկ հնարել։ Եւ մենք այն աստիճան ընտելացած ենք այդ բոլորին, որ մեզ թւում է, թէ դրանք եղել են մշտապէս և թէ հազիւ մարդիկ պիտի կարողանային եռլա գնալ, դիցուք՝ առանց հեռագրի ու երկաթուղու։

Սակայն, շատ ու շատ հին ժամանակներում, մարդիկ միանգամայն զուրկ են եղել ոչ միայն հեռագրից, երկաթուղուց և միւս նորագիւտ բաներից, այլ և այն բոլորից, ինչ որ այսօր կեանքրի ամենաանհրաժեշտ պայմաններն են կազմում։ Տուն, հագուստ, կահ-կարասիք, գիր, թանաք, գործիքներ, զէնքեր, ամանեղէն և այն բոլորը, ինչ միանգամայն անհրաժեշտ են այսօր մարդկանց ապրուստի համար, մի ժամանակ բոլորովին գոյութիւն չեն ունեցել։ Մարդիկ են իրանց խելքի զօրութեամբ ու աշխատան-

քով հնարել այդ ամենը:

Եւ մարդիկ այդ ամենը հնարել ու կատարելագործել են, ոչ թէ մի անգամից, այլ տակաւ առ տակաւ, հազարաւոր ու տասնեակ հազարաւոր տարիների ընթացքում: Ամբողջ սերունդներ իրանց կեանքի ընթացքում չարչարւել ու տանջւել են, որպէսզի կարողանան կեանքի այս կամ այն յարմարութիւնը ստեղծել: Բայց և ոչ մի սերունդ, ոչ մի ազգ, մինչև իսկ ոչ մի անհատ չէ ստեղծագործել միմեայն իր համար: Մեռել, անհետացել են սերունդներն ու ազգերը, բայց և մեացողներին են կտակել իրանց ամբողջ ստեղծագործութիւնն ու հնարած գիւտերը: Իսկ ամեն մի օգտակար գիւտ, վաղ թէ ուշ, տարածւել և ընդհանուր մարդկութեան սեփականութիւն է դառնել:

Այն գիւտութիւնը, որ մեզ սովորեցնում է, թէ ինչպէս են նրանք տակաւ առ տակաւ հնարել այն բոլորը, ինչ մենք այժմ տեսնում ենք մեր շուրջը՝ կոչւում է Պատմութիւն: Իսկ այն մարդիկ, որոնք գրի են առել իրանց ժամանակակից անցքերն ու դէպքերը, կոչւում են պատմագիրներ:

Բայց պատմագիրներ կարող էին լինել այն ժամանակ միայն, երբ մարդիկ կարդալ-գրել գիտէին: Սակայն չէ որ գրել-կարդալն էլ շատ ուշ հնարաւած բաներ են: Այդ իսկ պատմառով էլ պատմութիւնը երկու ժամանակաշրջանների է բաժանում—Պատմական և Նախապատմական շրջաններ:

«Պատմական» կոչւում է այն շրջանը, երբ մարդիկ գրել-կարդալ են իմացել և իրանց ժամանակակից դէպքերի մասին, գրաւոր յիշատակարաններ թողել: Իսկ «Նախապատմական» շրջանն այն է, երբ մարդիկ անկարող են եղել իրանց կեանքի մասին որևէ գրաւոր յիշատակութիւն թողնել:

Անշուշտ, շատ էլ հեշտ բան չէ նախապատմական շրջանում ապրած մարդկանց կեանքն ուսումնասիրելն ու նրանց պատմութիւնը գրելը: Բայց և այնպէս գիտնականները դրա հնարն էլ են գտել և ներկայումս արդէն բաւականին մեծ չափով ուսումնասիրութիւններ են կատարած նախապատմական մարդկանց մասին ու դեռ էլի շարունակում են կատարել:

Այդ ուսումնասիրութիւնները կատարելու գլխաւորաբար երկու միջոցներ կան: Առաջինը պեղումներն են, այսինքն այն, որ շատ տեղերում գետինը պեղելիս, մանաւանդ հինաւուրց գերեզմանները փորելիս, մարդկային ոսկորների, կմախրի ու գանդի հետ՝ հողի միջից գտնուում են ամանեղէններ, գործիքներ, գէնքեր, զարդեր և այլ շատ իրեր, որոնք պատկանել են, անշուշտ, այն ժամանակներում ապրող մարդկանց: Հէսց այդ գտնւած իրերից կամ նրանց նացորդներից կարելի է լինում գուշակել ու հասկանալ, թէ ինչպէս են ապրել մեզնից հազարաւոր տարիներ առաջ ապրած մարդիկ:

Երկրորդ միջոցը՝ մինչև այսօր դեռ ևս ապրող զանազան վայրենի ցեղերի կեանքի ուսումնասիրութիւնն է:

Երբ նաւագնացութիւնը փոքր իշատէ զարգացաւ ու եւրոպացիք բոլորովին պատահմամբ գտան Ամերիկան, յետոյ Աւստրալիան և ապա մի շարք նորանոր կղզիներ, նրանք տեսան, որ այդ երկիրներում ապրում են մարդիկ, որոնք թէ իրանց արտաքինով և թէ ապրելու եղանակով բոլորովին տարբեր են մեր և ուրիշ երկիրներում ապրող մարդկանցից: Այդ տեղերում ապրող մարդկային ցեղերից շատ շատերը համարեած թէ ոչնչով չէին տարբերում վայրի գաղաններից: Նրանք ապրում էին անտառներում, ման էին զալիս բոլորովին մերկ, կերակրում էին հում բոյսերով, պըտուղներով ու իրանց ձեռքը ընկած ամեն տեսակ որսով: Այդ մարդիկը ոչ բնակարաններ ունէին և ոչ էլ գործիքներ ու գէնքեր: Վայրի զագաններից պաշտպաններու համար նրանք, իրեւ զէնք, զործ էին ածում միմիայն փայտն ու քար:

Աւելի մօտիկից ծանօթանալով այդ վայրենի ցեղերին, ուսումնասիրելով նրանց նիստ ու կացը, սովորութիւնները, եւրոպացիք նկատեցին, որ գրանց սովորութիւններից, աընային գործիքներից ու զէնքերից շատերը ժամանակով գոյութիւն են ունեցել և նոյնիսկ այժմ էլ տեղ-տեղ գոյութիւն ունեն եւրոպական ազգերի մէջ:

Այդ գեռ բաւական չէ. նրանք նկատեցին, որ այդ ցեղերը բոլորն էլ քաղաքակրթութեան ու կուլտուրայի միեւնոյն աստիճանի վրայ չեն գտնւում: Բոլորովին վայրենի

դրութեան մէջ գտնւող ցեղերից զատ, կային և այնպիսիները, որոնք կուլտուրապէս բաւական զարգացել էին արդէն և ազգ ու պետութիւն էին կազմում:

Այդ բոլոր դիտողութիւնները ենթազրել են տակիս զիտնականներին, թէ արգեօք կուլտուրական ստորագոյն սատիմանի վրայ կանգնած այդ ցեղերը ճշշտ այն կեանքն ու կենցաղը չեն վարում այժմ, ինչ վարել են տասնեակ հազար տարիներ առաջ՝ այսօրւայ լուսաւորւած ու քաղաքակրթւած ազգերի նախապատմական հայրերը: Եւ միթէ կուլտուրական զարգացման այս սատիմանաւորումը, որ ներկայումս բացարձակ նկատւում է այդ նոր գտնւած ցեղերի միջն, չէ ցոյց տալիս զարգացման ու առաջադիմութեան այն ուղին, որով անցել են բոլոր լուսաւորւած ու քաղաքակրթւած ազգերը շատ հին անցեալում:

Այդ ենթագրութիւններով առաջ տանելով իրանց ուսումնականները, գիտնականները բազմաթիւ ապացոյցներ են գտել, որ, յիրաւի, ամենաքաղաքակրթւած ազգերի նախահայրերն էլ մի ժամանակ ճշշտ այնպիսի մարդիկ են եղել ու այնպէս ապրել, ինչպէս են և ապրում են ներկայում վայրենի ցեղերը:

Բազմաթիւ ուսումնականների շնորհով, այժմ այլիս պարզւած է նախապատմական մարդու հչ միայն անհատական կեանքը: այսինքն այն, թէ որտեղ է նա ապրել, ինչով կերակրւել, ինչպէս հագնւել կամ ինչ գործիքներ գործ ածել և այլն, այլ և նրա թէ հասարակական և թէ մըտաւոր կեանքը, ալսինքն՝ նրա ընտանեկան ու հասարակական կազմը, հաւատալիքները, դաւանանքը, լեզւի կազմւելը և այլն:

Նախապատմական շրջանում ապրած մարդկանց կուլտուրայի զարգացման հէնց այդ պատմութիւնն է ահա, որ մենք պիտի սովորենք ներկայ գրքով, կցելով նրա հետ և հայկական այն առասպելներն և աւանդութիւնները, որ մինչև վերջին ժամանակները սովորեցնում էին իրրե հայ ազդերական պատմութիւն:

ՆԱԽԱՊԱՏՄԱԿԱՆ ՄԱՐԴՈՒ ՆԻՒԹԱԿԱՆ ԿԵԱՆՔԸ

1.

ԱՌԱՋԻՆ ՄԱՐԴԿԱՆՑ ԲՆԱԿՈՒԹԵԱՆ ՏԵՂԸ

Շատ հին ժամանակներում մարդիկ, բացի բնութեան տւած բարիքներից, ուրիշ ոչինչ չեն ունեցել: Նրանք չեն ունեցել ոչ հագուստ, ոչ բնակարան և ոչ էլ ապրելու այն բոլոր միջոցները, ինչ որ հազարաւոր տարիների ընթացքում մարդիկ հնարել ու շինել են:

Սկզբում մարդիկ համարեա ոչնչով չէին տարբերում զազաններից: Գազանները դեռ էլի ծածկւած են տաք մուշտակներով և կարող են ցրտից պաշտպանել: Նրանք այդ բանից էլ զուրկ էին, ուստի և չէին կարողանում ապրել ամեն մի տեղ:

Առաջ մարդիկ ապրում էին միմիայն այնպիսի տաք երկիրներում, ուր ձմեռ չը կայ և ամբողջ տարին տաք է: Այդպիսի երկիրների բնութիւնն էլ չափազանց հարուստ է և լիքը ամեն տեսակ բարիքներով: Այդտեղ մարդը առանց աշխատանքի ու դժւա-

ըութեան թէ կերակուր և թէ ապաստան է գտնում, և կարիք էլ չի զգում հագուստ հագնելու:

Հէնց հիմա էլ այդպիսի տաք երկիրներում ապրում են շատ ցեղեր, որոնք ոչ մի հագուստի կարիք չեն զգում և ման են գալիս մերկ, բորիկ ու բաց գլխով:

Այդ վայրենի ցեղերից շատերը հաստատուն բընակարան կամ կացարան չունեն: Իրանց շուրջը վիտացող գաղաններից պաշտպանւելու համար, նըրանք ապաստան են գտնում ծառերի խիտ ճիւղերի վրայ, քարայրներում և քարանձաւներում:

Նախապատմական շրջանում ապրող մեր նախապապերը ճիշտ այդ վայրենի դրութեան մէջ էին. նրանք էլ գաղանների յարձակումներից պահւը տում և գիշերներն անց էին կացնում ծառերի ճիւղերի վրայ ու զանազան քարայրների մէջ:

2.

Ո Ւ Տ Ե Լ Ի Ք Ը

Նախապատմական շրջանի մարդիկ սկզբում ոչ մի աշխատանք անել չը գիտէին: Նրանք ոչ հերկել, ոչ ցանել, ոչ հաց թխել և ոչ էլ կերակուր պատրաստել գիտէին: Այդ ժամանակ նրանք կերակրում էին միմիայն բնութեան տւած բարիքներով: Ուտում էին պտուղներ, բոյսերի արմատներ կամ սերմեր և ծովային, ցամաքային ամեն տեսակ կենդանիներ՝ մուկ, գորտ, շուն, կատու և այլն:

Այդ կենդանիներից շատերի անունն անգամ մեղ զգւանք է պատճառում և մենք ոչ մի կերպ չենք ուտի նրանց: Բայց դա միմիայն սովորութիւնից է կախւած: Այս ընպէիս էլ այնպիսի ազգեր կան, որոնց համար մուկը, գորտը, մորեխն և ուրիշ այդ տեսակ կենդանիներն ու զեռունները նոյնքան համեղ ու սիրելի կերակուրներ են, որքան մեզ համար, վառեկը, ոչխարն ու կովը:

Մեր երկրումն էլ սովի ժամանակ մարդիկ սիրով ուտում են այնպիսի կենդանիներ, որոնց ուրիշ ժամանակ երբէք չէին ուտի:

Նախամարդիկ գտնուում էին ճիշտ սովի ժամանակ ապրող մարդկանց դրութեան մէջ. նրանք իրանց աշխատանքով դեռ ևս ուտելիքներ պատրաստել չիմանալով՝ քաղցից չը մեռնելու համար՝ ստիպւած էին ուտել այն ամենը, ինչոր իրանց ձեռքն էր ընկնում:

3.

ԹԱՓԱՌԱԿԱՆ ԿԵԱՆՔ

Ներկայումս երբ մենք մի նոր մարդու հետ ենք ծանօթանում, իսկոյն հետաքրքրում ենք իմանալու, թէ նա որտեղացի է կամ որն է նրա հայրենիքը: Նախամարդիկ ոչ միայն մշտական բնակարաններ չունէին, այլ և մշտական հայրենիք էլ չունէին: Նրանք ստիպւած էին շարունակ դէս ու դէն ընկել, երկրէ-երկիր թափառել՝ կերակուր գըտնելու նպատակով:

Հիմա էլ մարդիկ շատ անգամ ստիպւած են իրանց հայրենիքը թողնել և օտար երկիր գնալ աշխատանք գտնելու համար։ Օրինակ, գիւղերից զնում են Թիֆլիս, Բագուկամ մի ուրիշ մեծ քաղաք։ Մենք այդ մարդկանց համար չենք ասիլ, թէ նրանք թափառում են։ Նրանք ունեն մշտական բնակավայր կամ հայրենիք, ուր կարող են մի որոշ ժամանակից յետոյ վերադառնալ։ Բացի դրանից, Թիֆլիս կամ Բագու գնացողը, երբ գործ կամ աշխատանք է ճարում, այլ ևս երկար ժամանակ տեղից չի շարժում։

Բոլորովին այլ էր նախամարդկանց կեանքը։ Նըրանք ոչ թէ գործ կամ աշխատանք էին փնտռում, այլ այնպիսի տեղեր, ուր բնութիւնը կարող էր աւելի առատութեամբ կերակրել նրանց։ Իսկ երբ ուտում, սպառում էին իրանց շուրջը գտնւած բոլոր ուտելիքները, նրանք իսկոյն թողնում, հեռանում էին՝ մի նոր տեղ գտնելու։

Եւ այդպէս շարունակ ուտելիք փնտռելու նպատակով թափառած ժամանակ, մարդիկ միշտ դիտում էին բնութիւնը։ Նրանք նկատում էին, թէ տարւայ որ եղանակին և որտեղ կարելի է առատութեամբ այս ու այն պտուղները գտնել, երբ և որ բոյսի վրայ են լինում մեծ քանակութեամբ զեռուներ, ճիճուներ կամ այլ կենդանիներ։

Այդպէս ժամանակի ու տեղի համաձայն, մարդիկ շարունակ թափառում էին տեղից տեղ, միշտ մտածելով, որ քաղցած չը մնան։

Թափառական կեանք վարող մարդկանց համար, մշտական բնակավայր կամ տուն ու տեղ ունենալը նոյնիսկ շատ ծանր բեռ կարող էր լինել, որովհետեւ

նա ստիպւած պիտի լինէր, իր տունը պահպանելու պատճառով, երկար ժամանակ միենոյն տեղում մնալ և սովոր մեռնել։

4.

ԱՌԱՋԻՆ ԳՈՐԾԻՔՆԵՐՆ ՈՒ ԶԵՆՔԵՐԸ


Զանազան տեսակ գագաններով լիբն անտառներում թափառելն և ուտելիք որոննելն էլ շատ հեշտ բան չի։ Բոլորովին անզէն մարդը այդպիսի տեղերում, փոխանակ իր համար կերակուր գտնելու, շատ անգամ կարող է հէնց ինքը գագաններին կերակուր դառնալ։

Ներկայումս այդպիսի վտանգաւոր տեղ գնալիս, մարդիկ իրանց հետ վերցնում են կատարելագործած լաւ հրացաններ, ատրճանակներ և այլ զանազան տեսակ ղենքեր։ Բայց ովք էր տւելնախամարդուն հրացան ու այլ զենքեր, երբ նրանք դեռ երկաթի կամ այլ մետաղների մասին իսկի հասկացողութիւն էլ չունէին։

Գագաններ չեղած տեղումն էլ ուտելիք ձեռք զցելը շատ հեշտ բան չէր։ Օրինակի համար, երբեմն տեսնում ես՝ ծառի վրայի պտուղները այնքան բարձր են կախւած, որ ձեռքդ չի հասնում։ Կամ թէ՝ մի որ և է բոյսի համեղ արմատը այնչափ խորն է թաղւած հողի մէջ, որ անկարելի է մատներով ու եղունգներով հանել։ և կամ թէ՝ այս ու այն ընկոյզը այն աստիճ սն պինդ է, որ չես կարող ատամներով կոտրել։

Այդպիսի և ուրիշ շատ աւելի մեծ դժւարութիւնների առաջ մարդիկ հիմա բոլորովին կանգ չեն

առնում. Նրանք ունեն շատ յարմար կերպով շինւածքահ, քլունդ, կացին, մուրճ, դանակ և այլ բազմաթիւ գործիքներ։ Նախամարդիկ այդ բոլորից և ոչ մէկը չունէին։ Նրանք իրանց առաջին գործիքներն ու գէնքերը գտան հէնց այն բնութեան մէջ, որտեղ գտել էին իրանց ուտելիքը։ Առաջին գործիքներն ու գէնքերը եղել են փայտն ու քարը։



№ 1. Քարէ դանակներ

Փայտէ ձողովնախամարդիկ բարձր ծառից պտուղներ էին թափտալիս, սրածայր փայտով գետնից արմատներ էին հանում, իսկ քարերով ամեն տեսակ պինդ կեղեւունեցող ընկոյզներ էին կոտրում։ Նոյն փայտերով

ու քարերով նրանք նաև պաշտպանւում էին գաղաններից։

Այդ սկզբնական գործիքներն ու գէնքերը ձեռքբերելուց յետոյ, մարդիկ սկսում են կամաց-կամաց կատարելագործել նրանց և յարմարեցնել իրանց զանազան պէտքերին։

Մարդիկ երբ տեսնում են, որ կարելի է քարը կոտրել մի ուրիշքարի միջոցով, սկսում են քարի կտորներին զանազան ձևեր տալ։ Մի որևէ բան կտրելու համար, քարի կտորի մի կողմը օրում և նրան դանակի ձև էին տալիս, իսկ ծակելու համար՝ նրան երկար ու սրածայր էին դարձնում։

Այդպիսի գործիքներ ու գէնքեր պատրաստելու համար մէծ ծառայութիւն էր մատուցանում կայծաքարը։ Դա շատ հեշտութեամբ է կոտըւում ու զանազան սուր ձևեր ստանում։

Բացի փայտից ու քարից, գործիքներ ու գէնքեր պատրաստելու համար, նախամարդիկ օգտում էին նոյնպէս կենդանիների ոսկերից, ժանիքներից և եղջիւրներից։

5.


ԱՌԱՋԻՆ ՄՈՒՐՃՆ ՈՒ ԿԱՑԻՆԸ

Առաջին գործիքներն ու գէնքերը գտնելուց յետոյ, մարդիկ սկսում են նրանց կամաց-կամաց կատարելագործել։ Ամենօրեայ փորձով նրանք նկատում են, որ երկար փայտով խփած հարւածը շատ աւելի



խիստ և ուժգին է, քան կարճ փայտով խփածը: Եւ այդ հանգամանքը մարդուն թելաղում է իր քարէ գործիքներին կոթ շինել, որպէսզի նրանց հարւածը զօրաւոր լինի: Կոթ շինելու համար փայտի պակասութիւն չը կար, հարկաւոր էր միայն սրածայր քարի կտորը փայտի մի ծայրին ամրացնելու հնարը դտնել:

Կարիքն ու անհրաժեշտութիւնը հնարագէտ են դարձնում մարդուն: Եւ նախամարդիկ կապելու մի-



№ 2. Քարէ կացիններ:

ջոցներ են գտնում. դրա համար նրանք գործ են ածում զանազան բոյսերի (օրինակ կանեփի) կամ ծառի թելանման կեղեները: Նրանք քարի կտորը փայտի ծայրին կապելով հնարել են իրանց առաջին մուլոցըն ու կացինը: Եթէ փայտի ծայրին կապւած քարը

բութ էր, գործիքը մուրճի գեր էր կատարում, իսկ եթէ քարը մի կողմով սուր էր, նա դառնում էր կացին:

Այդ եղանակով պատրաստւած գործիքները, բացի ուժեղ հարւած ունենալը, շատ յարմար էին նոյնպէս ձեռքում բռնելու համար:

6.

ՈՐՍՈՐԴՈՒԹԻՒՆ

Նախամարդն իր առաջին մուրճն ու կացինը հնարելուց յետոյ, այլևս զինւած էր: Նա հիմա առաջւան պէս չէր վախենում գազաններից. նա ոչ միայն համարձակւում էր նրանց հետ կուփ բռնւել, այլև որսում էր նրանց և իր աղքատիկ սեղանը հարստացնում: Այժմ նա հնարաւորութիւն ունէր սպանելու այնպիսի կենդանիներ; որոնցից նա առաջ փախչում ու պահում էր:

Այդ ժամանակից մարդը սկսում է որսորդութեամբ պարապել:

Քարէ կացինով ու մուրճով գազաններին դիմագրելը թէև աւելի հեշտ էր, բայց և այնպէս անվտանգ բան չէր. պէտք էր գազանին այնչափ մօտենալ, որ կացինը կամ մուրճի ծայրը հասնի նրան: Սակայն այդ ըոպէին գազանը կարող էր կացնի հարւածը ստանալուց առաջ՝ մարդու վրայ ցատկել ու նըրան բղիկ-բղիկ անել:

Այդ բանը ստիպում է մարդուն մտածել, թէ չի կարելի արդեօք այնպիսի զէնք կամ գործիք հնարել,

որով կարելի լինի որսին (թռչուն կամ գաղան) սպա-
նել հեռակց, առանց նրան շատ մօտենալու:

Եւ մարդիկ հնարում են պարսատիկն ու նիզակը:

Պարսատիկը շինելու համար վերցնում էին մի
մորթու կամ կաշւի փոքրիկ կտոր, երկու ծայրերը
ծակում և այդ ծակերից թել անցկացնում, թելերն
էլ պատրաստում էին զանազան ծառերի ու բոյսերի
կեղեներից:




№ 3. Եղջիւրէ և ոսկը գործիքներ ու զէնք:

Պարսատիկով մարդիկ քարեր էին նետում հեռու
և ուժգին հարւածում: Դեռ մինչև հիմա էլ երեխէքը
այդ զէնքը լիբրէ խաղալիք գործ են ածում:

Խիստ թափով զցած ժամանակ նիզակն էլ բա-
ւական հեռու կարող է զալ և ուժեղ հարւածել: Մեր

երկըում ապրող քիւրդերը հիմա էլ դեռ գործ են ա-
ծում նիզակ: Դա մի երկար ձող է, որի մէկ կամ
երկու ծայրերին էլ երկաթէ սուր սլաքներ են ամ-




№ 4. Պարզ տեսակի նետ ու աղեղ:

բացրած: Զողի մէջտեղից բռնում, ճօճում են օդի
մէջ և թափով նետում ու հարւածում թշնամուն:

Նախամարդիկ այդ ձեռք էին շինում իրանց

նիզակը, այն տարբերութեամբ միայն, որ երկաթէ սլաքների փոխարէն, նրանք ձողի ծայրերին ամրացնում էին սուր քարի կամ ոսկորի կտորներ:

Ժամանակի ընթացքում այդ պարսատիկն ու նիզակը՝ էլ չեն գոհացնում որսորդ մարդուն, որովհետև գրանց երկար գործածելուց ձեռքը յոզնում էր: Այդ անյարմարութիւնից էլ նա ազատում է՝ մի նոր գործիք հնարելով:



№ 5. Բարդ տեսակի աղեղներ

Նա վերցնում է ծառի դալար, բայց առաձգական ճիւղը, ծռում է նրան ու կիսաշրջանի ձև տառիս: Յետոյ ճիւղի թեքւած ծայրերը նա ամուր կապում է բարակ թոկով: Այդ եղանակով ահա պատրաստ է աղեղը:

Աղեղի միջոցով նիզակի նետելը շատ ու շատ

հեշտանում է: Բայց այս անգամ նիզակը առաջւանից շատ աւելի կարճ է լինում և մէկ ծայրին միայն սլաք հազցրած: Այդ ձևով պատրաստած նիզակը կոչում է նետ:

Աղեղի շինելն ու գործածելը շատ հեշտ է. մինչև օրս մեր մանուկներն էլ յաճախ շինում ու գործենածումնրան իրեկ խաղալիք: Նետը դնում են աղեղի վրայ և բութ ծայրը ամրացնում թոկին, որ կոչում է լար: Յետոյ ձախ ձեռքով բռնում են աղեղը, իսկ աջով բռնելով նետի բութ ծայրը լարի հետ միասին, լաւ քաշում և յանկարծ բաց են թողնում: Այդ ձևով գցւած նետը բաւականին հեռու է թռչում և նըպատակին հարւածում:

7.


Ք Ա Ր Ե Դ Ա Ր

Նախամարդու հնարած գործիքներն ու գէնքերը շատ կոշտ, կոպիտ և անյարմար բաներ էին: Նրանցով չէր կարելի ոչ բարդ աշխատանք կատարել և ոչ էլ արագ աշխատել: Սակայն նախամարդու կեանքն էլ շատ պարզ էր, և մարդիկ շատ ու շատ բաների իսկի կարիք էլ չունէին:

Այսպիսի գործիքներով ու գէնքերով մեր նախապապերը աշխատել ու եղան են գնացել ամբողջ հազարաւոր տարիներ՝ մինչև որ վերջապէս հնարը գըտել են աւելի յարմարը պատրաստելու:


Շարունակ զանազան տեսակ քարերից գործիք-

Ներ պատրաստելիս՝ մարդիկ նկատում են, որ տարբեր տեսակի քարերը միմեանց տաշում ու յղկում



№ 6. Յղկած քարէ կացիններ:

Են: Այդ ժամանակից ահա, նրանք սկսում են իրանց խորտութորտ գործիքները յղկել և հետզհետև հնարել



№ 7. Երկանք:

Են յղկած քարէ կացիններ, սանդ, երկանք և ուրիշ շատ անհրաժեշտ գործիքներ ու զէնքեր:

Նախապատմական այն ամբողջ շրջանը, երբ մարդիկ քարէ գործիքներ ու զէնքեր են գործածել, կոչւում է քարէ դար: Այդ քարէ դարը տևել է տասնեակ հազարաւոր տարիներ և բաժանւում է երկու մեծ շրջանների. առաջինը՝ հին քարէ դար, երբ դեռ մարդիկ կոշտ ու կոպիտ գործիքներ էին գործածում, իսկ երկրորդը՝ նոր քարէ դար, երբ մարդիկ յղկւած քարէ գործիքներ էին գործածում:

8.

ՄԻՍՆ ՈՒ ԶՈՒԿԸ ՊԱՀՊԱՆԵԼՈՒ ՄԻՋՈՑՆԵՐ

Ինչպիսի զէնքեր ու գործիքներ էլ հնարում էին նախամարդիկ, դարձեալ նրանք երկար ժամանակ գեռ կիսաքաղցած կեանք էին վարում: Միմիայն որսի յոյսով ապրող մարդու վիճակը ուրիշ կերպ չէր էլ կարող լինել:

Պատահում էր, որ մի օր որսը չափազանց առատ էր լինում, բայց և պատահում էր, որ որսորդը օրերով ոչինչ չէր կարողանում գանել:

Մարդիկ գեռ չըգիտէին, թէ ինչպէս աւելցած միսը կամ ձուկը միւս օրւայ համար պահել:

Մենք հիմա դրանց երկար ժամանակ պահպանելու շատ միջոցներ գիտենք: Օրինակ՝ մսից դաւուրմա, երշիկ (կալբաս) և ապուխտ ենք պատրաստում, ձուկը չորացնում կամ աղն ենք դնում, բանջարեղինը քացախի մէջ ենք պահում, պառղներից կոնսերվեր պատրաստում և այլն: Նախամարդիկ այդ բո-

լորի մասին ոչ մի գաղափար էլ չունէին: Նրանք ամեն բան ուտում էին հում, հէնց այնպէս, ինչպէս որ գտնում էին: Եթէ առատ որսից աւելացածը փորձում էին միւս օրերի համար պահել, ամեն ինչ հոտում փշանում էր:

Չատ ու շատ երկար դարեր են անցել, մինչև որ մարդիկ միսն ու ձուկը չորացնելու հնարն են զրտել: Նրանք նկատել են, որ քարէ կամ ոսկորէ դանակով բարակ կտրւած միսը, արեգակի ալրող ճառագայթների տակ մնալով, ոչ թէ հոտում, այլ թմշկում, չորանում է և համն էլ դուրեկան է դառնում:

Այդ ժամանակից մարդիկ հետզհետէ սովորում են միսն ու ձուկը չորացնել, ապուխտ պատրաստել, և այդպիսով իրանց շատ աւելի ապահով զգալ:

Դրանից յետոյ նրանք կտրող էին թէ առև օրայց համար ուտելիք պահել, և թէ որսորդութեան կամ ձկնորսութեան գնալիս՝ հետները պաշար վերցնել:

9.

Կ Ր Ա Կ Ի Գ Ի Ւ Տ Ը Ը

Քարէ դարում մարդու արած գիւտերից ամենանշաւորը կրակ վառելու գիւտն է:

Հիմա կրակ վառելը այնչափ սովորական ու հեշտ բան է, որ ամենափոքր երեխան էլ գիւտէ: Դրա համար հարկաւոր է միայն լուցկի ունենալ: Ո՞վ չը գիւտէ, թէ որ աստիճան անհրաժեշտ բան է կրակը, կրակով մենք տաքանում ենք, հաց ենք թխում, կե-

րակուր պատրաստում, զանազան մետաղներ ենք հալում ու նրանցից հազար ու մի տեսակ բան շինում: Նախամարդիկ այդ բոլորի մասին դեռ ոչ մի հասկացողութիւն չունէին, որովհետեւ կրակ վառել չը գիւտէին:

Այդպիսով այն ժամանակւայ մարդիկ գիշերները ճրագ ունենալու հնարաւորութիւնից էլ զրկւած էին: Հէնց որ գիշերւայ մութը վրայ էր հասնում, մարդիկ խաւարի մէջ էին թաղում և ամբողջ գիշերը սրտի դողով անցկացնում:

Նրանք շարունակ սարսափի մէջ էին, մտածելով, թէ ահա շուրջը վիստացող ու ոռնացող գազաններն իրանց վրայ կը յարձակւեն: Այդ դրութեան մէջ մարդիկ անհամբեր սպասում էին արեգակի ծագելուն, որ լոյս բացւի և իրանք հնարաւորութիւն ունենան գազաններից պաշտպանւել:



Նախամարդկանց համար, սակայն, կրակը մի բոլորովին անծանօթ բան չէր: Նրանք շատ վաղ էին նկատել, թէ ինչպէս որոտի ժամանակ, երկնքում մի ինչ որ բան է փայլատակում, և թէ ինչպէս այդ փայլակը երբեմն ծառերի վրայ է ընկնում, վառում ու հրդեհներ առաջացնում: Բայց այդպիսի կրակը նախամարդուն վախ ու սարսափ էր միայն պատճառում: Նրան պէտք էր այն տեսակ կրակ, որ ուզած ժամանակ կարողանար թէ վառել և թէ հանգցնել:

Այդպիսի կրակ ստանալու միջոցն էլ մարդիկ գտան վերջապէս:

Երբ փայտից, քարից և սոկորից շարունակ գործիքներ էին շինում, նրանք տեսան, որ չոր փայտի երկու կտորներ երկար ժամանակ միմեանց քսելիս,

Նախ խիստ տաքանում, ապա վառւում ու կրակ են դառնում:

Այդ բանը նկատելուց յետոյ, մարդիկ հնարել են



№ 8 և 9. Կրակահան գործիքներ:

այնպիսի գործիքներ, որոնցով կարելի էր աւելի հեշտ կերպով կրակ վառել:

Այդ գործիքներից ամենաշատ տարածւածը մի տափակ փայտի կտոր էր մի քանի ծակոտիներով:

Ծակոտիներից մէկն ու մէկի մէջ մի չոր ձողիկ էին մտցնում ու ձեռքերով այնքան պտտեցնում, մինչեւ ձողիկի ծայրը կը վառւէր և կրակ կը ստացւէր: Ստացւած այդ կրակով նրանք նախ վառում էին հեշտ վառող նիւթեր, ծառի չոր տերևներ, խոտ կամ յարդ և յետոյ վրան փայտեր դնում:

Մինչև օրս էլ մի քանի վայրենի ցեղեր դեռ հէնց այդ եղանակով են կրակ ստանում:

Շատ աւելի ուշ, կրակ ստանալու համար մարդիկ գործ են ածել կայծքար և աբեթ:

10.


ՄԱՐԴՈՒ ԱՌԱՋԻՆ ԲՆԱԿՈՐԱՆԸ

Կրակի տւած օգուտները չափազանց շատ էին: Մարդիկ ցուրտ ժամանակ տաքանում էին, գիշերները կրակի մօտ պառկելով՝ գազաններից բոլորովին ապահով էին մնում: Նրանք այլևս կարող էին գնալ և այնպիսի ցուրտ երկիրներում ապրել, ուր առաջ անկարող էին: Կրակով կարող էին միս, պտուղ և գանազան ուտելիքներ եփել, որ անշուշտ աւելի համեղ ու օգտակար է, քանի թէ հումը:

Կրակի բազմաթիւ օգուտները տեսնելով, մարդիկ սկսում են նրան աստծու տեղ պաշտել: Նրանք մտածում են մի այնպիսի հնար գտնել, որ կարողան կրակաստւածը երկար ժամանակ վառ պահել:

Քամի եղած ժամանակ և անձրեային օրերում,
կրակը կամ հրդեհ էր առաջացնում և կամ հանգչում
էր: Բացի դրանից փայտերը իրար քսելով կրակ ստա-
նալու եղանակը շատ յոգնեցուցիչ էր:

Մարդիկ ամեն կերպ աշխատում էին այդ դրժ-



№ 10. Վայրենիների բնակարանի մի տեսակը


ւարութիւնների առաջքն առնել: Հետզհետէ սովորե-
ցին բնակարան կամ տուն շինել:

Նրանք սկզբում փայտից կամ քարից պատւար
էին շինում քամու փշած կողմը, բայց յետոյ, տես-
նելով, որ քամին միշտ միևնույն կողմից չէ փշում,
նրանք կրակի չորս կողմից պատեր են շինում, ու
վրան էլ ծածկում:

Այդ եղանակով շինւած տունը սկզբում ծառա-
յում էր միմիայն կրակ-աստւածը միշտ վառ պահե-
լու համար: Յետոյ երբ մարդիկ ցըւեցին աւե-

էի ցուլտ երկիրներ, նրանք տունը շինում էին իրանց
ընակութեան համար:


Բնակած երկրի ու տեղի համաձայն, մարդկանց
շինած բնակարաններն էլ սաստիկ տարբերում էին



№ 11. Վայրենիների բնակարանի մի ուրիշ տեսակը

միմեանցից: Տաք երկիրներում ապրողների բնակա-
րանները շատ անհաստատ բաներ էին, նրանք շին-
ուում էին գետնի երեսին, փայտի կողերով (Տես նը-
կար № 10): Յուրա երկիրների բնակարանները, ընդ-
հակառակ՝ գետնափոր և շատ աւելի հաստատուն
էին լինում: Ծովերի, լճերի ու մեծ գետերի մօտ
ապրող մարդիկն էլ բոլորովին ուրիշ տեսակ բնա-

կարաններ են շինում: Թունաւոր միջատներից ու
այլ գանազան վասակար կենդանիներից ապահով մը-
նալու համար, մարդիկ բնակարանները շինում էին
հէնց ջրի մէջ: Ափից ոչ շատ հեռու, ջրի մէջ նրանք



№ 12. Ջրի վրայ շինուած տուն:

հաստ գերաններ էին տնկում և գրանց դուրս ցցւած
գլուխների վրայ բնակարան շինում: Այդպիսի բնա-
կարանը կամ տունը ափի հետ միացւում էր կամուր-
ջով, կամ թէ չէ մարդիկ պարզապէս մակոյկներով
էին ել ու մուտ անում:

11.

Հ Ա Գ Ո Ւ Ս


Նախամարդիկ հագուստ էլ չունէին: Տաք երկըր-
ներում ապրելով, նրանք հագուստի իսկի կարիք
չէին զգում: Այս բոպէիս էլ այդպիսի երկիրներում
ապրող շատ ցեղեր բոլորովին մերկ են ման զալիս:
Երբ մարդիկ սովորեցին կրակ վառել ու բնա-
կարաններ շինել, նրանք սկսեցին հետզհետէ աւելի
ու աւելի ցուրտ երկիրներ գնալ: Բայց ցուրտ երկրում
առանց հագուստի ապրելը շատ դժւար բան է: իս չի
կարելի միշտ կրակի կողքին նստել: Այդպիսով մարդ
կարող է քաղցած մնալ:

Այդ ժամանակ մարդիկ նկատում են, որ զազան-
ները ցըտից բոլորովին չեն վախենում, որովհետեւ
նրանք տաք մուշտակ ունեն: Հետևելով նրանց օրի-
նակին, մարդիկ սկսում են դրանից յետոյ իրանց
սպանած գազանների մորթով ծածկւել:

Բայց այդ ձեի հագուստ նախամարդուն չէր կա-
րող գոհացնել, որովհետեւ չգաբաղած մորթը թէ կոշտ
է և թէ մարմնին լաւ չի կպչում: Հետզհետէ նրանք
սովորում են դաբաղել մորթը: Առաջ նրանք քերում
էին մորթի տակը, թըջում, ձեռքի մէջ ճմոռում ու
կակղեցնում էին: Բայց յետոյ, երբ ծանօթացան զա-
նազան բոյսերի, օրինակ՝ գղտորի հետ, նրանք դը-
րանց միջոցով աւելի լաւ կարողացան փափկացնել՝
դաբաղել իրանց մորթէ հագուստը:

Աւելի ուշ, մարդիկ սովորում են թելանման
բոյսերից, կամ ծառերի բարակ կեղևներից կտորներ

գործել ու նրանցից հագուստ կարել: Մարդու առաջին անգամ գործած կտորները չափազանց հասարակ



№ 13. Մորթիու ծածկւած վայրենի:
ու պարզ բաներ էին, ինչպէս օրինակ, այսօրւան

միլովը կամ խսիրը: Շատ ու շատ ուշ են նրանք սովորել բրդից մանւածքներ ու գործւածքներ պատրաստելը:

Կարելու համար էլ, իբրև ասեղ, մարդիկ գործէին ածում ծառերի փշեր, կենդանիների և մանաւանդ ձկների բարակ ոսկորներ:

Մետաղների հետ դեռ ևս ծանօթ չըլինելով, նըրանք անկարող էին ասեղներ ունենալ:

12.

ՄԵՏԱՂՆԵՐԻ ԳՈՐԾԱԾՈՒԹԻՒՆԸ

Մետաղներ հալեն ու նրանցից զանազան իրեր պատրաստելը մարդիկ սովորել են շատ ուշ ժամանակ, երբ արդէն լաւ ծանօթ էին կրակի գործածութեան հետ:


Բնութեան մէջ մարդը շատ վաղ ժամանակից էր նկատել այս կամ այն մետաղը, բայց քանիդեռ կըրակ չունէր, նա չը գիտէր էլ թէ մետաղները կարող են հալւել:

Մարդիկ ամենից աւելի ծանօթ էին պլնմին, որովհետեւ պղինձն է ամենից շատ պատահում բնութեան մէջ:

Մակայն մաքուր պղինձը շատ կակուղ է. նըրանից անկարելի էր գործիքներ ու զէնքեր պատրաստել: Սկզբում մարդիկ այդ փայլուն մետաղը գործ էին ածում միմիայն զարդարանքի համար: Կըրակը գտնելուց յետոյ, նրանք նկատում են, որ պլ-

ղինձը, անազի կամ կլայելի հետ միասին հալւելով, կարծրութիւն է ստանում, և շատ յարմար է դառնում գործիքներ շինելու:

Պղնձի ու անազի այդ խառնուրդը կոչւում է բրոնզ:




№ 14. Բրոնզէ գործիքներ:

Բրոնզը բնութեան մէջ պատրաստի չէ պատահում: Պղինձն ու անազը միասին հալելով՝ կարելի է ստանալ բրոնզ: Մարդիկ շատ ուշ հասկացան այդ բանը: Հասկանալուց յետոյ, նրանք այլիս իրանց գործիքների ու գէնքերի մեծ մասը սկսում են բրոն-

զից պատրաստել: Հէնց այդ ժամանակից էլ մարդկութեան պատմութեան մէջ սկսում է բրոնզի դարը, որ նոյնպէս հազարաւոր տարիներ է տևում:

Բրոնզի հետ միաժամանակ մարդիկ ծանօթացել են և երկաթի հետ: Բայց երկաթի հալելն ու մաք-



№ 15. Բրոնզէ սրեր ու դաշոյն:

ըելը շատ աւելի գժւար գործ է, քան բրոնզ պատրաստելը: Դրա համար էլ բրոնզից շինած գործիքներն ու գէնքերը շատ վաղ և աւելի են տարածւել, քան երկաթից շինածները:

Բայց երբ մարդիկ երկաթ հալելը սովորեցին,

իրանց բոլոր գործիքներն ու զէնքերը սկսեցին երկաթից պատրաստել։ Երկաթը՝ բրոնզից շատ աւելի դիմացկուն և լաւ է։

Այդ ժամանակից էլ սկսում է մարդկային պատմութեան երկաթէ դարը, որ շարունակւում է մինչև այսօր։ Հիմա բրոնզից պատրաստում են միմիայն զարդարանքներ ու կահկարասիներ։ Բրոնզէ ու քարէ դարերում, մարդիկ բոլորովին չը հրաժարւեցին իրանց քարէ գործիքներից։ մինչև օրս էլ շատ տեղերում դեռ գործ են ածւում քարէ սանդն ու երկանքը։

13.

Ա Մ Ա Ն Ե Ղ Ե Ն

Նախապատմական մարդու գործիքների մէջ ամանեղէնը նոյնպէս շատ անհրաժեշտ բան էր։


Հնումը մարդիկ, երբ գեռ շնորհքով գործիքներ չունէին, իրանց ամանեղէնն էլ բնութիւնից էին վերցնում։ Նրանք ամանի տեղ գործ էին ածում ծառի տերևներն ու կեղեր, տափակ քար, վայրի դգումներ, կակօսի կեղե, մեռած մարդու և կենդանու գանգ և այլն։

Իրանց առաջին գործիքները հնարելուց յետոյ միայն մարդիկ կամաց-կամաց սովորել են փայտից աւելի յարմար ամաններ շինել, բայց ոչ այդպիսի ամաններով և ոչ էլ ճիւղերից հիւսած կողովներով կարելի էր կրակի վրայ ջուր տաքացնել կամ կերակուր եփել։ Նրանք իսկոյն կայրւէին։

Այդ հնարաւոր եղաւ այն ժամանակ միայն, երբ մարդիկ սովորեցին կրակից չայրւող կաւէ ամաններ պատրաստել։

Կաւի ու նրան թրծելու եղանակի հետ նոյնպէս մարդիկ պատահմամբ են ծանօթացել։


Զանազան բաներ լւանալիս նրանք տեսել էին, որ մի տեսակ կարմիր հող կայ, որը միւս տեսակ



№ 16. Կաւէ ամաններ։

հողերի նման թափանցիկ չէ։ Այդ կարմիր հողը, վը-րան թաց բան դնելիս, միմիայն երեսից էր թրծւում, իսկ մէջը ջուր չէր անցնում։ Դա կաւն էր։

Այդ հանգամանքը նկատելով, մարդիկ ցանկացել են իրանց՝ ճիւղերից հիւսած կողովները, կաւի միջոցով անթափանց դարձնել։ Դրա համար կաւից ցեխ են պատրաստում ու նրանով ծեփում կողովի



№ 17. Կաւէ աման, որի վրայ երևում են ճիւղերի հիւսւածքի հետքերը։

Ներսը և ապա թողնում, որ ցեխը չորանայ։ Այդպէս՝ կաւով ծեփած կողովի մէջ այլևս հնարաւոր էր լինում ջուր լցնել։

Յետոյ մարդիկ փորձում են այդպիսի կողովով կրակի վրայ ջուր տաքացնել և տեսնում են, որ ծեփած կողովի փայտեղէն մասը վառում, ոչնչանում է, իսկ կաւը եփում, քարանում, այսինքն թրծում է։ Կաւը թրծելն այդպէս պատահմամբ սովորելուց


յետոյ, մարդիկ հետզհետէ կաւից բազմաթիւ ու բազմատեսակ կուժ, կճուճ, բղուղ, ափսէ և այլ ամաններ են հնարել, որ մինչև օրս էլ դեռ գործ են ածւում։

Մետաղից ու ապակուց ամանեղէն շինելը մարդիկ սովորել են շատ աւելի ուշ ժամանակներում։

14.

ԶՈՒՐ ԵՌԱՑՆԵԼԸ

Քանի դեռ մարդիկ կաւէ ամաններ չունէին, նրանք բոլորովին զուրկ էին ջուրը եռացնելու հնարաւորութիւնից։ Իսկ մինչև որ ջուրը չեռացւի, ան-



№ 18. Սալ-քարի վրայ հաց հն թխում։

Կարելի է մի որ և է բան եփել։ Այդ պատճառով էլ մարդիկ, կրակը դանելուց յետոյ, երկար ժամանակ

միմիայն խորոված կերակուրներ գիտէին պատրաստել: Խորովում էին թէ միսը, թէ ձուկը, թէ պտուղը և թէ ամեն բան:

Նրանք խորովելու մի քանի եղանակներ գիտէին. խորովում էին ուտելիքը կամ ուղղակի կրակի վրայ դնելով, կամ փայտէ շամփուրների անցկացնելով և կամ տաքացրած տափակ քարի վրայ դարսելով:

Հացն էլ քարերի վրայ էին թխում, կրակի վրայ մի տափակ քար էին դնում ու թողնում, որ լաւ տաքանայ: Յետոյ քարի վրայ խմօրի գնդակներ էին շարում և փայտի ծայրով այս ու այն կողմ շուռ տալիս, մինչև որ կեփւէին:

Այս ժամանակներում, մարդիկ ջուրն էլ քարերի միջոցով էին տաքացնում:

Նրանք փայտէ ամանը կիսով չափ լցնում էին ջրով և նրա մէջ՝ կրակի վրայ լաւ տաքացրած քարեր դնում: Քարերի տաքութիւնը ջրին էր անցնում, որից յետոյ սառած քարերը ջրից հանում ու նրանց տեղ ուրիշ տաքացրածներ էին դնում: Եւ այդ գործողութիւնը մի քանի անգամ կրկնելուց յետոյ, ջուրը բաւականին տաքանում էր և գործածելի դառնում:

Մինչև օրս էլ կան ցեղեր, որոնք դեռ ևս տաքացրած քարերի միջոցով են թէ ջուր տաքացնում և թէ հաց թխում:

15.

Զ Ա Ր Դ Ե Ր

Զարդարւելն էլ մարդու ամենազլխաւոր պահանջներից մէկն է: Դրա պահանջը մարդիկ շատ աւելի վաղ են զգացել, քան հագնւելու պահանջը:

Հագուստի մասին մարդիկ սկսել են մտածել այն ժամանակ միայն, երբ ցուրտ երկիրներ են տեղափոխւել: Խսկ զարդարւելու, գեղեցիկ երևալու զգացումը միշտ և ամեն տեղ էլ եղել է մարդու մէջ: Այդ զգացումը բնածին է բոլոր կենդանիների մէջ:

Տարւայ որոշ ժամանակներին, համարեա թէ բոլոր գազաններն ու թռչունները փոխում են իրանց մազերն ու փետուրները և գեղեցկանում են: Ուրիշ խօսքով՝ նրանք զարդարւում են բնութեան տւած զարդերով:

Թէև մարդկանց մէջ էլ զարդարւելու ցանկութիւնը բնածին է, բայց բնութիւնը նրանց չէ տւել ոչ թռչունների գեղեցիկ փետուրները և ոչ էլ գագանների փայլուն մորթը: Դրանց փոխարէն բնութիւնը մարդուն տւել է խելք, որի շնորհով նա կարողացել է զարդարւելու շատ միջոցներ գտնել:

Նախամարդիկ իրանց զարդարանքն էլ բնութիւնից էին վերցնում: Իրրե զարդ նրանք գործ էին ածում ծաղիկներ, տերևներ, գունաւոր ժըմմունք, փայլուն փետուրներ ու մորթեր, մեռած մարդու կամ կենդանիների ատամներ և այլն:

Գեղեցիկ երևալու նպատակով, մարդիկ շատ ան-

գամ՝ աշխատում էին այս կամ այն թռչունին կամ կենդանուն նմանւել։ Դրա համար նրանք սանրվելու գանազան ձևեր էին հնարում, դէմքերն ու մարմինը ներկում էին և այլ միջոցների դիմում։

Հէնց հիմա էլ գեռ կան ցեղեր, որոնք զարդարում և իրանց դէմքն ու մարմինը ներկում են այնպէս, ինչպէս որ մեր նախապապերը անում էին տասնեակ հազարաւոր տարիներ առաջ։



№ 19 Զարդարւած վայրենիներ։

Մետաղների, թանկագին քարերի և ապակու հետ ծանօթանալով, մարդիկ հետզհետէ կատարելագործել են իրանց զարդարանքն էլ։

Ուկին ու արծաթը երկար ժամանակ միմիայն զարդարանքի համար էին գործ ածւում. իբրև գրամ գործ էին ածւում ուրիշ նիւթեր կամ առարկաներ։

16.

ԿԵՆԴԱՆԻՆԵՐԻՆ ԸՆՏԱՆԵՑՆԵԼԻ

Նախապատմական մարդու կիսաքաղցած դրութիւնը բաւականին լաւանում է, երբ նա սովորում է ժամանակի ընթացքում վայրի կենդանիներին ընտանեցնել։

Շարունակ զանազան կենդանիների հետ գործունենալով, մարդիկ տեսնում են, որ կենդանիներից մի քանիսը կերակրում են այնպիսի ուտելիքներով, ինչով որ իրանք են կերակրում։


Այդ կարգի կենդանիներից է շունչ. Շունը առհասարակ շատ քչով է բաւականանում, և եթէ նրան մի քանի ոսկոր գցեն, նա այլևս չի կամենայ հեռանալ։

Այդ բանը նկատելուց յետոյ, մարդիկ սկսել են շներին ընտանեցնել։ Նրանք մեծ բազմութեամբ շներ էին պահում, և չաղացնում ուտելու համար։

Այդ ժամանակից մարդու աշխատանքը բաւականինթեթևանում է. Փոխանակ օրերով որսի յետելից ման գալու և գլուխը վտանգի դնելու, նա իր պահած շներն էր ուտում, մանաւանդ որ շան միսը, առում են, շատ համեղ է։

Շան ընդունակութիւնների հետ լաւ ծանօթանալուց յետոյ, մարդիկ սկսում են նրան ծառայեցնել զանազան պէտքերի համար, օրինակ՝ որսի են տանում, գազաններից պաշտպանում և այլն։

Շան նման խոզն էլ ուտելիքի կողմից պահանջկոտ չէ; Նա էլ ամենակեր է։ Բացի դրանից նա շնից կոտ չէ։



Հայոց պատմութեան մասին մատուցութեանը:

աւելի շուտ է չաղանում: Մարդն ընտանեցնում է նաև խոզը և յետոյ շատ կենդանիներ:

Կենդանիներին ընտանեցնելու մի քանի միջոցներ կան: Ամենից շատ տարածւածն այն է, որ կենդանու ձագուկներին բռնում, պահում, մեծացնում են:

Որչափ էլ մարդիկ շատ կենդանիներ ընտանեցրել են արդէն, բայց և այնպէս դեռ ևս բազմաթիւ թռչուններ ու գաղաններ կան, որոնց մինչև օրս մարդիկ չեն կարողացել ընտանեցնել: Այդպիսիներին մենք վայրի ենք անւանում:

Կենդանիներ ընտանեցնելուց յետոյ, մարդիկ ուտելիքի կողմից թէև ապահով էին ու պէտք չունէին որսի համար այս և այն կողմ գնալ, բայց դեռ երկար ժամանակ նրանք դարձեալ շարունակում էին թափառական կեանք վարել: Դրա պատճառն այն էր, որ ընտանեցրած կենդանիների մեծ մասը, ինչպէս օրինակ՝ ոչխարը, այծը, կովը, ձին և այլն, նոյնպէս թափառական կեանք վարողներ էին:

Մարդիկ նկատել էին, որ այդ կենդանիները, գեռ վայրենի վիճակում էլ, մեծ խմբերով էին ապրում և շարունակ տեղից տեղ չւում, որպէսզի չը կոտորւեն խիստ տաքից կամ ցրտից:

Այդ հանդամանքից ստիպւած մարդիկ շարունակում էին իրանց թափառական կեանքը:

Հէնց այժմ էլ մեր երկրի այն ժողովուրդները, որոնք խաշնարածութեամբ են պարապում, ամառը քոչում են դէպի սարերը, իսկ աշնանը՝ դէպի դաշտավայրերը:

17.

ԵՐԿՐԱԳՈՐԾՈՒԹԻՒՆ

Անտառներում թափառելով ու շարունակ պտուղներ, հատիկներ և արմտիքներ ուտելով, նախամարդիկ շատ վաղ ծանօթացել էին նաև բոյսերի գանազան տեսակների հետ։ Նրանք նկատել էին, թէ ինչպէս մի վայր ընկած սերմի տեղը նոր բոյս էր աճում և նոյնանման պտուղներ ու սերմեր տալիս։ Բայց սկզբում մարդիկ այդ բանի վրայ մի առանձին ուշադրութիւն չէին դարձել։ Նրանց գլխովն անգամ չէր անցնում, թէ կարելի է սերմեր ցանել ու մեծ քանակութեամբ բերք ստանալ։

Նախամարդիկ դեռ այն գիտակցութեանը չէին հասել, որ կարողանային վաղան ու միւս օրւան համար մտածել։ Նրանք ապրում էին միմիայն այս օրւան հոգսերով։ Այսօրւան ամեն մի պտուղն ու սերմը նրանց համար չափազանց մեծ արժէք ունէին։ Նրանք չէին կարող սիրտ ամել ձեռքն ընկած այսօրւան պաշարը գետնում թաղել այն յոյսով, որ մի քանի ամսից յետոյ նոր բերք ստանան։ Բացի դրանից՝ նրանք չէին կարող իրանց ցանքսի մօտ՝ ամիսներով քաղցած նստել ու պահապան դառնալ։ Իսկ եթէ պահապան չը գառնային, ցանքսը կը փչացնէին ամեն կողմ վիտացող կենդանիներն ու թռչունները։


Մարդիկ երկրագործութեամբ սկսել են պարապել այն ժամանակ միայն, երբ ընտանեցրած կենդանիների շնորհով, նրանք ուտելու բաւականին առատ թէ միս և թէ կաթ են ունեցել։ Այդ ժա-

մանակ նրանք այլևս չէին վախենում, թէ սովից կը մեռնեն և կարող էին ցանքսի հասնելուն սպասել։

Ամենից առաջ, մարդիկ ցանել են այնպիսի սերմեր, որոնք թէ խոշոր են և թէ կարճ ժամանակում են հասնում։ Այդպիսի սերմերից են՝ բակլան, լոբին, եղիպտացորենը և ուրիշ հացահատիկներ։

Պտղատու ծառեր ցանելու կամ տնկելու մասին մարդիկ, սկզբում, իսկի չէին էլ մտածում, որովհետեւ դրանց պտուղներն ստանալու համար շատ երկար տարիներ սպասելու էին։

Սկզբում նրանք ցանում էին առանց որևէ գործիքի. սերմը հողի մէջ թաղում էին ձեռքերով և բեր-



Հ 21 և 22. Նախական արօրների տեսակները։

քըն էլ ձեռքերով քաղում։ Բայց յետոյ, ցանելու գործին հետզհետէ ընտելանալով, նրանք նկատում են, որ երբ գետինը լաւէ քանդած ու հողը փափկացրած, բոյսերն աւելի լաւ են աճում. ու բերքն էլ առատ է

լինում։ Այդ ժամանակից էլ նրանք հնարում են թրանց առաջին արօրը, որը հետզհետէ կատարելագործում են։

Հացթխելընոյնպէս մարդիկ մի անգամից չեն սովորել։ Սկզբումնրանք հասած հասկերը քարելով ջարդում, հատիկները ջոկում և այնպէս հում-հում էին ուտում։ Բաւական ժամանակ անցնելուց յետոյ միայն, նրանք սովորել են հացահատիկներն աղալ և ալիւր դարձնել։ Աղում էին՝ երկու քարի միջև ջարդելով, սանդի մէջ ծեծելով և երկանքի միջոցով։ Այդ ձեռվ աղած ալիւրը նրանք խառնում էին Այդ ձեռվ աղած ալիւրը նրանք խառնում էին Ամառապում, ջրի հետ, շփոթ էին շինում ու այդ շփոթն ուտում, առանց եփելու։

18.

ՆՍՏԱԿԵԱՅ ԿԵԱՆՔ

Երկրագործութեամբ պարապելիս մարդիկ շորունակում էին դեռ թափառական կեանք վարել։ Միաժամանակ նրանք թէ խաշնարածութեամբ և թէ որսորդութեամբ էին պարապում։

Խսկապէս, այս կամ այն զբաղմունք ընտրելը, կամ առաջին պարապում էր նրանից, թէ մարդիկ ի՞նչ-պիսի երկրում էին ապօռում։

Եթէ նրանք գետերի կամ ծովերի եղերքին էին ապօռում, աւելի շատ ձկնորսութեամբ էին պարապում։ Խոկ եթէ նրանց ապրած երկիրը շատ աւելի բարպութիւններ ունէր որսորդութեան, խաշնարայարմարութիւններ ունէր որսորդութեան համար, մարդիկ ծութեան կամ հողագործութեան համար, մարդիկ

այդ զբաղմունքներն էին ընտրում։ Լինում էին այնպիսի երկիրներ, ուր կարելի էր այդ զբաղմունքներից թէ մէկը և թէ միւսն ունենալ։

Հէնց մեր երկրի շատ տեղերում էլ ժողովուրդը միաժամանակ պարապում է թէ հողագործութեամբ և թէ խաշնարածութեամբ։ Ամառայ ամիսներին ընտանիքի մի մասը գնում է խաշների հետ «սարը» թափառելու, իսկ միւս մասը մնում է գիւղում՝ երկրագործական աշխատանքներ կատարելու։

Հետզհետէ երկրագործութեան վարժւելով, նախամարդիկ չեն սկսել միանգամից նստակեաց կեանք վարել ու հիմիկւան պէս գիւղեր ու քաղաքներ շինել։ Այդ էլ կատարւել է շատ դանդաղ կերպով և երկար տարիների ընթացքում։

Առաջ մարդիկ տարւայ մի որոշ ժամանակն էին միայն կանգ առնում այս ու այն տեղ, որպէսզի սպասեն ցանքսի վերջանալուն։ Բերքերը հաւաքելուց յետոյ, նրանք դարձեալ շարունակում էին իրանց թափառական կեանքը։ Բացի դրանից, միևնոյն մարդիկ, ամեն տարի, միևնոյն տեղում չէին կատարում իրանց ցանքսը։ Ընդհակառակ՝ նրանք միշտ ման էին գալիս, և ուր որ ազատ ու յարմար տեղ էին գտնում, այնտեղ էլ ցանում էին։ Աղատ տեղեր էլ խօմ շատ։ Հէ որ մարդիկ հիմիկւան չափ բազմաթիւ չէին։

Երկրագործութեամբ պարապելու գաղափարը առաջին անգամ կնոջ ուղեղումն է ծագել։

Կանայք իրանց երեխաներին կերակրելու և մեծացնելու հոգսերով ծանրաբեռնւած, անկարող էին տղամարդկանց նման որսորդութեամբ պարապել։ Նրանք ստիպւած էին շատ աւելի բուսեղէն ուտելիքներով

52

բաւականանալ: Այդ պատճառով էլ կանայք աւելի շատ միջոց ունեին բոյսերի հետ ծանօթանալու և սերմեր ցանելու փորձեր անել:

Տղամարդիկ երկար ժամանակ խորշում էին երկրագործութիւնից՝ անվայել գործ համարելով այդ Նրանք այդ աշխատանքը թողնում էին կանանց, իսկ իրանք որսորդութեամբ էին պարապում:

Մինչև այսօր էլ կան ցեղեր, որոնց մէջ երկրագործութիւնը «կանանց գործ» է համարում:

19.

ՀԱՂՈՐԴԱԿՑՈՒԹԵԱՆ ՄԻՋՈՑՆԵՐ

Շարունակ երկրէ երկիր գնալու ստիպւած նախամարդիկ՝ ճանապարհներից բոլորովին զուրկ էին:

Դեռ ոչ միայն այսօրւան երկաթուղիները, խըճուղիներն ու աւտոմոբիլները չը կային, այլև մինչև անգամ հասարակ ճանապարհներ ու ընտանի անասուններ էլ գոյութիւն չունեին:

Նրանք ստիպւած էին շարունակ ոտքով մանգալ: Իսկ ոտքով շատ հեռու ճանապարհ չի կարելի գնալ, և եթէ գնում էլ էին, այդ ամիսներ ու տարիներ էր տեսում:

Ոտքով ճանապարհորդելու դժւարութիւններից նախամարդիկ ազատում են, երբ սովորում են կենդանիներին ընտելացնել: Իսկ հեռու տեղեր ճանապարհութելը հեշտանում է միայն այն ժամանակ, երբ մարդիկ հնար են գտնում ջրի վրայ նաւարկել:

Գետերի ու ծովերի մօտ ապրող մարդիկ շատ

վաղ էին նկատել, որ մի քանի առարկաներ, օրինակ քարը՝ ընկղմում, ջրի տակն է գնում, իսկ մի քանիսն էլ ինչպէս փայտը՝ ջրի երեսը մնում ու լողում էին: Յետոյ պատահել է, որ ջրի մէջ ընկած




№ 23. Նաւակ:

մարդը, խեղդւելուց ազատւելու յուսով, բռնել է մի լողացող գերանից և նկատել, որ ինքն էլ գերանի հետ լողում է ջրի երեսին:

Այդ բանը նկատելուց յետոյ, մարդիկ այլ ես գիտմամբ էին գետի մէջ գերան գցում և իրանք էլ վրան նստած մի որոշ տեղ գնում:

Լողացող գերանը ուզած տեղը և ուզած ժամանակ գետափին մօտեցնելն էլ մի դժւար բան չէր: Դրա համար գերանի վրայ նստած մարդն իր հետ մի երկար ձող էր վերցնում և նրա ծայրը գետի յատակին հպում:

Մէկ անգամ այդ եղանակով ջրի վրայ ճանապարհորդելու հնարը գտնելուց յետոյ, մարդիկ այլես հետքի կատարելագործում են նրան։ Մի քանի հոգի միասին ճանապարհորդելու նպատակով, մարդիկ մի



№ 24. Լաստ։

քանի գերաններ էին իրար կապում։ Եւ այդ եղանակով ստացւել է այն լաստը, որ մինչև օրս էլ դեռ դորձ է ածւում կուր գետի վրայ։

Այդպիսով հիմք է դրւում նաև ազնացութեան։

20.

ԱՌԱԳԱՍՏԱՆԱԻ

Լաստով ճանապարհորդելիս, մարդիկ նկատում են, որ քամի եղած ժամանակ, լաստը քամու ուղղութեամբ աւելի արագ է ալանում։ Այդ հանգամանքը մարդու մէջ միտք է ծագեցնում առաջաստներ շինել։

Սկզբում իբրև առագաստ գործ էին ածում հաստ ծառերի կեղեներն ու կենդանիների մորթիները։ Աւելի ուշ մարդիկ սկսել են գործածել զանազան գործածքներ, սկսած ճիլոպից մինչև այսօրւան գործածող ամուր քաթանը։

Լաստն իր բառանկիւնի ձևով շատ անյարմար էր ղեկավարելու համար, ուստի մարդիկ հետզհետէ այդ էլ են կատարելագործում։ Նրանք մտածում են վերցնել ծառի հաստ բոյնը, փորել նրան մի կողմից, տաշտի ձեւ տալ ու նրանով ճանապարհորդել։


Բայց ծառի հաստ բոյնը փորեն այնքան էլ հեշտ բան չէր, երբ մարդիկ դեռ քարէ կացիններից զատ, ուրիշ ոչ մի յարմար գործիք չունէին։ Հէնց դրա համար էլ մարդիկ մեծ համբերութեամբ, մի քանի տարի աշխատում էին, մինչև որ կարողանում էին մի կերպ գլուխ բերել տաշտածն մակոյկը։

Կրակ վառելու հնարը գտնելուց յետոյ, ծառի բոյնը փորեն էլ համեմատաբար հեշտացաւ։ Այս անգամ մարդիկ ծառի բոյնը փորում էին այրելով։ Լաստ գերանի մի կողմի վրայ կրակ էին վառում և դերանը բաւականին այրելուց յետոյ, կրակը հանգցնում էին։ Գերանի այրւած, ածուխ դարձած մասը շատ աւելի հեշտութեամբ էր փորում։ Այդ գործողութիւնը մի քանի անգամ կրկնելուց յետոյ, ցանկացած մակոյկը կարճ ժամանակից յետոյ պատրաստ էր լինում։

Մակոյկն ու առագաստանաւը հնարելուց յետոյ, մարդիկ հնարում են նաև թիթըը, որոնցով թիավարում են քամու հակառակ ճանապարհորդելու ժամանակ։

Աւելի ուշ, մարդիկ ջրի վրայ նաւարկելու մի

ուրիշ միջոց էլ են գտել: Անասունների մորթուց տիկ պատրաստել սովորելուց յետոյ, նրանք փշած-ուռեցրած տիկերը միմեանց էին կապում, վրաները տախ-



№ 25. Առագաստանաւ:

տակներ դարսում և ջրի երեսը գցում ու թիավարում:
Հին ժամանակներում, հայերն այս եղանակով
էին ճանապարհորդում Հայաստանի գետերի վրայ:



ՆԱԽԱՊԱՏՄԱԿԱՆ ՄԱՐԴԿԱՆՑ ՀԱՍԱ- ՐԱԿԱԿԱՆ ԿԵԱՆՔԸ

21.

ԻՆՉՊԵՍ ԵՆ ՄԱՐԴԻԿԱ ՀԱՄԱԼՄԵՒԹԵԼ

Նախամարդիկ սկզբում, վայրի գաղաններից շատերի նման, բոլորովին առանձին-առանձին էին ապրում: Նրանք ոչ միայն դեռ ևս ցեղերը ու ազգերը չէին կազմում, այլև ընտանիք էլ չունեին: Ամեն մարդ առանձին էր թափառում և աշխատում իր գլուխը պահել:

Մակայն կարիքն ու կեանքի պայմանները շուտով ստիպում են նրանց հետզհետէ համախմբւելու և խմբերով ապրելու: Մարդիկ տեսնում էին, որ կան շատ այնպիսի գործեր, որ միայնակ մարդու համար դժւար է կատարելը, այնինչ ընկերովի ամեն գործ հեշտանում է: Ընկերովի աւելի հեշտ է գաղաններից պաշտպանելը. ընկերովի նոյնպէս հեշտ է խոշոր կենդանիներ որսալը:

Սկզբում մարդիկ մի քանի հոգով միանում էին՝ միմիայն մի որ և է դժւար աշխատանք կտարելու

դէպքում. օրինակ՝ մի գաղան սպանելու կամ նաւակ դէպքում. համար իսկ երբ դժւար աշխատանքը վերփորելու համար: Իսկ երբ դժւար աշխատանքը վերփորելու համար: Նրանք դարձեալ ցրւում էին և ամեն ջանում էր, նրանք դարձեալ ցրւում էին և ամեն մէկը մի կողմ էր գնում: Աակայն միասին աշխատեմէկը մի կողմ էր գնում: Աակայն միասին աշխատեմէկը մի կողմ էր գնում: Աակայն միասին աշխատեմէկը մի կողմ էր գնում:

Ամեն մի ընտանիք կամ ցեղ իր գլխաւորն ունէր, որ ցեղի ամենածեր անդամն էր: Այդ գլխաւորը համարւում էր ցեղի նահապետը: Դրա անունով էր կոչում ամբողջ ցեղը: Այսպէս օրինակ՝ ասում էին. կոչում ամբողջ ցեղը: Այսպէս օրինակ՝ ասում էին. կոչում ամբողջ ցեղը: Այսպէս օրինակ՝ ասում էին. կոչում ամբողջ ցեղը: Հայկի որդիքը, Թորգոմի զաւակները կամ ցեղի դէմ:

Նահապետին ցեղի բոլոր անդամները լսում ունազանդում էին: Նրա կարգադրութեամբ էին կահնազանդում էին: Նրա կարգադրութեամբ էին կահնազանդում էին: Նրա առաջնորդուածրւում բոլոր աշխատանքները, նրա առաջնորդուածրւում բոլոր աշխատերազմի գնում՝ մի ուրիշ թշնաթեամբ էր ցեղը պատերազմի գնում՝ մի ուրիշ թշնաթեամբ էր ցեղի դէմ:

22.

ՀՅՅԿ ՆԱՀԱՊԵՏ

I

Հայկը հեռանում է Սենաարի դաշտից

Հայերն էլ շատ հին ժամանակներում ունեցել են իրանց նահապետները:

Ամենաառաջին նահապետն եղել է Հայկը, որի անունով էլ իր ցեղը կոչւել է Հայ:

Հայկն ու իր ցեղը սկզբում նոյնպէս թափառական կեանք էին վարում, ինչպէս ուրիշ շատ ցեղեր:

Նրանք տարւայ մեծ մասը անց էին կացնում եփրատ ու Տիգրիս, երկու մեծ գետերի միջն գտնող ընդարձակ ու բարեբեր դաշտավայրում:

Այդ երկիրը կոչւում է Միջազնուք, որի հարաւային կողմերումն է գտնուում Սենաարի դաշտը, ուր շինւել է աշխարհիս ամենահին ու հռչակաւոր քաղաքներից մէկը՝ Բաբելոնը:

Սենաարի ընդարձակ դաշտավայրում, բացի Հայկի ցեղից՝ կողք-կողքի ապրում էին նաև բազմաթիւ ուրիշ ցեղեր:

Այդ ցեղերից մէկի նահապետը, Բէլ անունով, մի յայտնի քաջ, կուարար ու ճարպիկ որսորդ էր: Նրան մինչև անգամ Աստուծոյ տեղ էին պաշտում: Շատ ցեղեր նրանից վախելով հնազանդւել էին իրան:

Բոլոր ցեղերին հնազանդեցնելուց և իր ծառաները դարձնելուց յետոյ, գոռողացած Բէլը փորձում է Հայկի ցեղն էլ իրան խոնար ծառայ դարձնել: Բայց Հայկն ու իր մարդիկը, որոնց թիւը համնում էր մօտ երեք հարիւր հոգու, չուզեցին նրա ստրուկը դառնալ և Սենաարի դաշտը թողին հեռացան:

Նրանք գնացին դէպի հիւսիսային կողմերը՝ Արարատ կոչւած աշխարհն:

Անցնելով Տիգրիս գետի եղերքովը, ճանապարհին նրանք տեղ-տեղ կանգ էին առնում՝ ուտելիք ճարելու կամ թշնամի ցեղերի դէմ կուելու համար:

Երկար ճանապարհորդելուց յետոյ, Հայկն իր մարդ-

կանցով ու վերջապէս, համնում է Տիգրիս գետի վերին
ափերին՝ բարձր լեռների ստորոտին կանգ է առնում:
Այդտեղ առաջուց զանազան ցեղեր էին ապրում:
Նրանք սակաւաթիւ լինելով, վախում են Հայկից և
նրան հպատակւում:

Այդ նոր երկիրը Հայկը յանձնում է իր կաղմու
թոռանը կառավարելու, իսկ ինքը, իր ցեղի մի մա-
սը հետն առնելով, աւելի հեռու է գնում: Նա անց-
սելով բարձր-բարձր սարերից, կանաչ ու ծաղկաւէտ
հովիտներից, խոր-խոր ձորերից ու մեծ ու պստիկ
գետակներից, հասնում է Աղի ծովի հիւսիսային ա-
գետակներից, հասնում է Այստեղ, նա մի ջրառատ ու հովա-
րեմտեան կողմը: Այստեղ, նա մի ջրառատ ու հովա-
րեմտեան կողմը: Այստեղ, նա մի ջրառատ ու հովա-
րեմտեան կողմը:

Հայկի բնակած այս նոր տեղն էլ ամայի չէր.
այնտեղ էլ շատ հնուց ապրում էին ուրիշ բազմաթիւ
մանր-մունը ցեղեր, որոնք նոյնպէս թափառական
կեանք էին վարում:

Ժամանակի ընթացքում, Հայկն այդ ցեղերին
մասամբ քաղցրութեամբ և մեծ մասամբ էլ բռնի ու-
ժով հպատակեցնում է իրան:

Այդ նոր երկրում, Հայկն ու իր մարդիկը, սկսում
են հետզհետէ երկրագործութեամբ պարապել: Միջա-
դա գետքում երկար ժամանակ ճանապարհորդելիս, նրանք
տեսել ու սովորել էին այդ կողմի ժողովուրդներից
հողագործութեամբ պարապելու եղանակը:

Հայկը մի գիւղ է շինել տալիս, որն իր անու-
նով կոչւում է Հայկաշէն: Երկար տարիների ըն-
թացքում այդ կողմերում շատ մեծ ու փոքր ուրիշ
գիւղեր են շինւում, որոնք բռնորդ միասին կոչւում են
Հայկը գաւառ, որ նշանակում է հայրերի բնակած տեղ:

II

Հայկի եւ Բէլի կոիւը

Երբ Բէլն իմանում է, որ Հայկը չուզենալով ի-
րան հնազանդւել, իր մարդկանցով փախել գնացել է
հեռու աշխարհ, սաստիկ բարկանում է: Նա հրամա-
յում է իր օգնականներին՝ հաւաքել բոլոր իրանց քաջ
զինակիրներին, զինել նրանց ընտիր զէնքերով և ա-
մուր զրահներով ու գնալ Հայկի ետևից:

Սենարի դաշտի բոլոր ցեղերը իրար էին ան-
ցել. բոլոր ցեղապետները մեծամեծ պատրաստու-
թիւններ էին տեսնում:

Քանի օրերն անցնում էին, այնքան Բէլը յուգ-
ւում ու կատաղում էր:

Վերջապէս բաւական երկար օրելից յետոյ, բո-
լոր մանր ցեղապետները իրանց բազմաթիւ զինա-
կիրներով, մեծ պաշարով եկան հաւաքւեցին մեծ
ցեղապետի՝ հսկայ Բէլի շուրջը:

Այդ խառնիճաղանձ բազմութեան գլուխն անցած,
բռնակալը ճանապարհ է ելնում և շտապով Հայկին
հետևում:

Հէնց որ Բէլը Միջագետքի սարերից անցել, Կորդ-
ւաց լեռներն էր բարձրացել և ուսք դրել կաղմոսին
յանձնւած երկիրը, վերջինս իսկոյն լուր է հասցնում
Հայկին, թէ Բէլը գալիս է:

Անվախ ու ազատասէլ հայոց նահապետը, ա-
ռանց շփոթւելու, իր սակաւաթիւ, բայց կուի վարժ
մարդկանցով դուրս է գալիս Բէլին ընդառաջ: Նա գը-
նում հասնում է Աղի ծովի հարաւային արեւելան կող-

մերը, ու այդտեղ, մի դաշտավայրում բանակ է դնում:

Հազիւ թէ հանգստացել էին Հայկն ու իր կըտրիձները, ահա սարի լանջին երևում է երկարահասկային բէլը, մի խումբ զինակիրների հետ սակ և յաղթանդամ Բէլը, մի խումբ զինակիրների հետ:

Հեռւից շատ գեղեցիկ նկատում էին նրա գլխին բրոնզէ սաղաւարտը, կուրծքի և թիկունքի զրաններն ու մէջքի փայլուն գօտին: Նա մի ձեռքին բռնել էր նիզակ, միւսին բրոնզէ վահան, ուսից կախ էր գցել աղեղ, իսկ մէջքիցն էլ կախել էր սուլու:

Բէլի դէմ դուրս եկող հայոց ալեզարդ նահապետն էլ էր զինւել ու զարդարւել, բայց ոչ այնպէս շքեղ ու հարուստ, ինչպէս իր թշնամին: Նրա ամբողջ զարդարանքն ու զէնքը իր գեղեցիկ աղեղն ու բազմաթիւ նետերն էին:

Երկու թշնամի բանակները երբ արդէն բաւական իրար են մօտենում, Բէլն իր մարդկանցով փորձում է առաջ գալ և մի յարձակումով կուին վերջ տալ:

Հայկն ու իր քաջերը Բէլի մարդկանց գլխին կարկտի նման նետեր են թափում և ստիպում յետ կարկտի նման նետեր են թափում. նա շուռ է գանահանջել: Հսկայ Բէլն էլ է վախում. նա շուռ է գալիս, որ գնայ իր մայր՝ բանակի գլուխն անցնի և ապա յարձակում գործի:

Իր կեանքը կոիւների մէջ անցկացրած, հայոց փորձւած նահապետը, իսկոյն գլխի է ընկնում, թէ ինչ էր ուզում անել Բէլը. ուստի առանց ժամանակ կորցնելու, զոքում է գետնին, ճարպիկութեամբ քաշում է աչոքում է գետնին, ճարպիկութեամբ քաշում է աչոքում է գետնին, ճարպիկութեամբ քաշում է աչոքում է գետնին:

Սլանում է երեք-գլխանի նետը, զարկում է հըսկայի կըծքին, ջարդում նրա բրոնզէ տախտակները և խրւում սիրտը:

Ահոելի մռնչիւնով գլորւում է ամբարտաւան ու գոռող բռնակալը:

Բէլի մարդկէլ երբ տեսնում են իրանց պաշտած հսկային ու աստծուն գետին գլորւած, սարսափահար են լինում ու փախչում դէս ու դէն:

Պատերազմի դաշտում նրանք թողնում են բազմաթիւ ձիեր, ջորիներ, զէնքեր, զրաններ և իրանց լնկերների գիակները...

Հայկը այդ հարստութեան մի մասը բաժանում է իր քաջարի կուողներին, իսկ մի մեծ մասն էլինքն ու իր զաւակներն ու թոռներն են վեր առնում և տանում իրանց հետ Հայկաշէն:

Ոյս յաղթութեան յիշատակն իր ցեղի մէջ վառպահելու համար, Հայկը կուի տեղում մի գիւղ է շինել տալիս ու նրան անւանում է Հայք. երկար ժամանակ անցնելուց յետոյ, ամբողջ գաւառը կոչւում է Հայոց Զոր, իսկ Բէլի ընկած տեղը՝ Գեղրազմանք:

Ոյս բոլոր գործերը կարգադրելուց յետոյ, Հայկը վերադառնում է Հարք գաւառը, տանելով իր հետ նաև Բէլի մարմինը, որ թաղել է տալիս մի բարձր լեռան վրայ, որպէսզի թոռներն ու ծոռները դրա գերեզմանը տեսնելիս՝ յիշեն իրանց նախահօր քաջութիւնը:

Դրանից յետոյ, Հայկը դեռ էլի բաւական երկար տարիներ էլ է ապօռում և ապա մեռնում խործերութեան մէջ, մէծ ցաւ պատճառելով թէ իր զաւակներին ու թոռներին և թէ բոլոր իր ցեղի մարդկանց:

23.

Ազատներ եւ ստրուկներ

Մարդկային գանազան ցեղերը միշտ թշնամի էին իրարու, միշտ աշխատում էին միմեանց բնաջինջ անել: Նրանք իրար պատահած ժամանակ, միմեանց որսում էին ճիշտ այնպէս, ինչպէս որ որսում էին կենդանիներին:

Մարդիկ սպանում, ոչնչացնում էին իրար ոչ թէ հէնց այնպէս, իրանց զւարձութեան համար, այլ որպէսզի իրանք ապրուստի կողմից աւելի ապահով լինեն: Նրանք միշտ վախենում էին, թէ բնութեան մէջ եղած ուտելիքները չեն կարող բոլոր մարդկանց բաւականացնել: Դրա համար հարկաւոր էր, ուրեմն, միմեանց ոչնչացնել, որ իրանց աւելի շատ բաժին մնար:

Սովից մեռնելու վախից ստիպւած, մեր նախապատերը մինչև իսկ ուտում էին իրանց սպանած մարդկանց: Ուտում էին նոյնպէս և ողջ բռնած գերիներին, որպէսզի ի զուր չը կերակրեն նրանց:

Այս ժամանակ, երբ մարդիկ սովորեցին կենդանիներին ընտանեցնել և խաշնարածութեամբ ուերկրադութեամբ պարապել, նրանք հետզհետէ թողիցին գերիներին ուտելու սովորութիւնը:

Նրանք բռնած գերիներին ուտելու փոխարէն, աշխատեցնում էին ճիշտ այնպէս, ինչպէս իրանց ընտանի անսասուններին: Գերիներն էին պահում-պահում խաշները, հերկում-մշակում հողը և կատապանում խաշները, հերկում-մշակում հողը և կատապանում բոլոր տնային աշխատանքները: Իսկ տէրերը

«աղաները» միմիայն զւարձութիւններով կամ պատերազմներով էին զբաղւում:

Այդպիսով ամեն մի ցեղի մէջ եղած մարդիկ հետզհետէ բաժանւեցին երկու տեսակի. տէրերը, որ ոչ մի դժւար աշխատանք չէին անում և կոչւում էին ազատներ, և գերիները՝ որոնց պարտականութիւնն էր բոլոր աշխատանքները կատարել: Վերջինները կոչւում էին ստրուկներ:

Ստրուկները մարդու հաշւում չէին: Նրանք իրաւունք չունեին ոչ զէնք կրելու, ոչ պատերազմի գնալու և ոչ էլ մի որ ևէ իշխանութիւն ունենալու: Ազատները կարող էին նրանց ծեծել, բանտարկել, տանջել և մինչև իսկ սպանել, առանց մի որոշ պատիժ կրելու: Ստրուկներին մինչև իսկ ծախում էին իբրև աշխատող կենդանիների:

24.

ԻՇԽԱՆԱԿՈՐՆԵՐ

Միշտ ցեղի նահապետը չէր, որ ցեղին առաջնորդում էր պատերազմների: Պատահում էր, որ նահապետի ծերութեան կամ տկարութեան և կամ մի այլ պատճառով, ցեղն իր համար մի ուրիշ առաջնորդ էր ընտում: Սովորաբար ընտրում էին այնպիսի մէկին, որը ցեղի մէջ աչքի էր ընկնում թէ իր քաջութեամբ ու անվեհերութեամբ և թէ իր խելքով ու փորձառութեամբ: Ամբողջ ցեղի կողմից ընտրւած այդ առաջնորդը՝ համարւում էր ցեղի զօրապետը կամ ցեղապետը:

Զօրապետը ոչ միայն պատերազմների էր առաջնորդում ցեղին, այլ և, խաղաղ ժամանակն էլ ցեղի դատաւորն էր հանդիսանում: Ցեղի անդամների միջև պատահած վէճերի և կոհւների համար զօրապետին էին դիմում և նրանից դատաստան ու արդարութիւն խնդրում:

Մակայն շատ էլ հեշտ բան չէր մէկ մարդու համար մի քանի պաշտօններ վարել: Մանաւանդ որ, գնալով, ցեղը աւելի ու աւելի բազմամարդ էր դառնում և գործերն էլ շատանում էին: Այդ դէպքում ցեղապետն իր համար օգնականներ էր ընտրում ու նրանցից ամեն մէկին մի առանձին պաշտօն յանձնում:

Ցեղապետն ու իր օգնականները իրանց կատարած ծառայութիւնների համար, վարձատրում էին նրանով, որ պատերազմներում ձեռք բերած աւարի մեծ մասը նրանց էր տրում: Այդպիսով, ժամանակի ընթացքում, նրանք սաստիկ հարստանում, բազմաթիւ նոր ու նոր իրաւունքներ են ձեռք բերում և դառնում են ցեղի իշխանաւորները կամ իշխանները: Ցեղն էլ, հետզհետէ բազմանալով դառնում է ազգ: Ամենից շատ հարստութիւն և ամենից աւելի իրաւունքներ ձեռք բերած իշխանը կոչում է թագաւոր:

Թագաւորներն ու իշխանները, հետզհետէ աւելի ու աւելի ճոխ ու փարթամ կեանք են վարում: Պատերազմներից ստացւած աւարն այլևս բաւարարութիւն չէ տալիս օրէցօր աճող պէտքերին: Մեծաքանակ ժամաները լրացնելու համար, նրանք իրանց հպատակ

ժողովուրդների վրայ տուրք կամ հարկ են դնում. ամեն մի մարդ պարտաւորւում է իր տարւայ եկամուտներից մի որոշ մասը թագաւորին կամ իշխանին տալ:

25.

Ա Ռ Ա Մ

(հշխան)

Հայկ նահապետի մեռնելուց յետոյ, նրա որդիքն ու թոռները հետզհետէ ցրւում են աւելի ու աւելի հեռաւոր տեղեր:

Դրանցից ոմանք գնում են դէպի հիւսիս, ոմանք արեմուտք, իսկ մեծ մասամբ՝ դէպի հիւսիս արեկլք:

Վերջիններից շատ-շատերը տեղաւորւում են Երասխ գետի ափին, ուր ժամանակի ընթացքում շինում են բազմաթիւ գիւղեր ու քաղաքներ:

Հայստանի ամենահին քաղաքն էլ շինւել է Երասխ գետի ափին և կոչւել է Արմաւիր:

Զանազան կողմեր ցրւած հայերը, միմեանցից բոլորովին անջատ էին ապրում և, դրա համար էլ, սաստիկ անզօր էին: Այդ բանից օգուտ քաղելով, հարեան ազգերը նրանց խիստ նեղում էին և շարունակ յարձակումներ էին գործում նրանց վրայ:

Այդ ժամանակներում Հայստանի հարեաններն էին՝ արեկլքից Մարաստանը, հարաւից հզօր Ասորեստանը, իսկ արեմուտքից կապադովկիան:

Հայաստանի բնակիչներն անկարող լինելով այդ մեծ ազգերին դէմ դնել, ծանր տուրքեր էին տալիս նրանց և մի կերպ իրանց գլուխը պահում:

Ցըւած հայերը սակայն չկարողանալով երկար ժամանակ այդ ստրկական վիճակը տանել, ջանքեր են գործ դնում հետզհետէ իրար միանալու և լնդհանուր ոյժով դիմադրելու զօրաւոր թշնամիներին:

Այդ խառնաշփոթ ժամանակներում, բոլոր ցեղապետների մէջ, ամենից աւելի ուժեղն ու սիրւածը՝ երիտասարդ ու կտրիճ Արամի էր, որը կարճ միջոցում կարողանում է Հայաստանի բոլոր ցեղերն իր իշխանութեան տակ առնել և այդպէս դառնալ զըլխաւոր ցեղապետ:

Բոլոր ցեղապետները խոստացել էին կանոնաւոր կերպով օգնել Արամին՝ տալով նրան թէ կուողներ և թէ պատերազմի համար անհրաժեշտ ամեն ինչ ձի, կով, ոչխար, նոյնպէս ցորեն, գարի և զանազան տեսակ գէնքեր:

Այդպիսի մեծ իրաւունքներ ձեռք բերելուց յետոյ, Արամի ամենից առաջ վճռում է Հայաստանը ազատել Մարտատանի լուծից:

Նա հաւաքում է բազմաթիւ զօրք, զինում է նրանց նետ աղեղով, թրով ու սրով և յարձակում մարտ նիւքար Մաղէս իշխանի վրայ:

Կտրիճ Արամը ջարդում է նրա բանակը և, իրան էլ գերի վերցնելով, բերում է Արմաւիր ու պատժում: Նրա երկը վրայ նա տուրք է նշանակում:

Արեւելքի թշնամուց ազատւելուց յետոյ, Արամի արշաւում է դէպի հարաւ, ասորոց Բարշամի իշխանի

վրայ, որը շարունակ ասպատակում ու կողոպտում էր հայոց աշխարհը:

Թշնամի բանակներն իրար հանդիպելով՝ երկու կողմի հսկաները զարհուրելի կերպով միմեանց են զարկւում: Թւում էր թէ ոչ մէկ կողմը տեղի չէր տալու, բայց Արամի քաջ զինակիրները մի վերջին կատաղի յարձակումով ցիրուցան են անում Բարշամի զօրքը և իրան էլ փախցնում կորւաց լեռների այն կողմը՝ հեռու Ասորեստանի դաշ: Երբ, ուր և սպանուում է:

Արամը մեծ հարստութեան հետ՝ տէր է դառնում նաև Բարշամի բոլոր երկիրներին ու այն տեսդերի բնակիչներին՝ ստիպում է տուրք տալ իրան:

II

Այդ փառաւոր յաղթութիւնից յետոյ, Արամի իր բանակը էլ աւելի ուժեղացնելով՝ յարձակում է դէպի Արեւմուտք, Կապաղովլիքի Պայապիս Քաղեայ իշխանի վրայ, որն այդ կողմերում սարսափ էր տարածել:

Այս վերջին թշնամին էլ երկար չդիմանալով հայոց քաջերին, փախչում գնում է հեռաւոր երկիրներ:

Պայապիսի ընդարձակ երկիրները միացնելով իր երկրի հետ, Արամը նրանց վրայ կառավարիչ է նըշանակում իր ազգական Մշակին, ու հրամայում, որ ինչպէս ուրիշ հպատակ ժողովուրդները, նոյնպէս և Կապադովլիքի աշխանի հսկեն:

Մշակն իր բնակութեան համար Կապադովլիքի յում մի քաղաք է շինել տալիս և անւանում Մշակ, տեղացիները չը կարողանալով այդ անունը հայերէն ուղիղ հնչել՝ ասում էին «Մաժակ»:

Այդ քաղաքը հիմի էլ կայ, բայց անունը փոխած է և կոչում է Կեսարիա:

Այսպէս երբ Արամը Հայաստանի բոլոր սահմանները թշնամիներից մաքրում է, նրա չորս կողմերի հսկողութիւնը յանձնում է սահմաններին մօտ բնակող ցեղապետներին, որ հսկեն ու պաշտպանեն:

Դրանից յետոյ նա ինքն իրան նւիրում է իր երկրի գարգացմանն ու ժողովրդի հանգստութեանը: Այլ նայլ կողմերից բազմաթիւ մարդիկ բերել է տալիս նա և բնակեցնում իր նոր գրտւած արևմտեան երկիրներում: Այդ երկիրները սկզբում կռչւեցին Առաջին Հայք, յետոյ գանազան մասերն անւանեցին Երկրորդ, Երրորդ և Չորրորդ Հայք:

Պատմում են, որ Արամի այս յաջողութիւններին չափազանց նախանձում էր Ասորեստանի և Բաքելաստանի նինոս թագաւորը, որը բռնակալ Բէլի թոռներից մէկն էր համարւում:

Այս նինոսը շատ վատ բաներ էր մտածում Արամի մասին և առիթ էր փնտում իր վրէժը լուծելու: Հակառակ նինոսի ցանկութեան, Արամը քանի գնում այնքան աւելի յաջողութիւններ էր ունենում և ուժեղանում էր: Այդ հանդամանքը նինոսին ստիպում է Արամին բարեկամ ձևանալ: Նա որպէս թագաւոր, գեսպաններ է ուղարկում Արամի մօտ, շնորհաւորում նրա քաջագործութիւնները և իրաւունք է տալիս նրան արձակ-համարձակ վարել իր իշխանութիւնը: Բացի այդ, նինոսը Արամին իրանից յետոյ երկրորդ մեծ իշխանն է ճանաչում և թոյլ է տարկու կապել գլխին իր ուղարկած մարդարտէ վարչուակալը:

Այդ բոլորից յետոյ Արամն իր իշխանութեան մայրաքաղաք է դարձնում Արմաւերը, որն էլ բարձր աշտարակաւոր պարիսպներով պատել է տալիս:

Արամի վարած պատերազմների շնորհիւ, հայերը յարաբերութեան մէջ հն մտնում գրացի այլեայլ աղգերի հետ և նրանցից շատ ու շատ նոր բաներ սովորում:

Այսպէս օրինակ՝ Հայաստանում զարգանում են խաշնարածութեան և երկրագործութեան հետ նաև արհեստներն ու առևտուրը:

Ասում են, որ օտար ազգերը Արամի անունովն է, որ հայերին Արմէն, և Հայաստանը Արմէնիա են անւանում:

26.

ԱՐԱ ԳԵՂԵՑԻԿՆ ՈՒ ՇԱՄԻՐԱՄԸ

I

Արամի մահից յետոյ, հայոց իշխան է դառնում իր որդին Արան, որն իր զարմանալի գեղեցկութեան պատճառով կոչել է Արա զեղեցիկ:

Արայի իշխանութեան օրով էլ նինոս թագաւորը չէ համարձակում Հայաստան ոտք կոխել, այլ լնդակառակը՝ Արայի հետ էլ է բարեկամ մնում և նրան էլ ճանաչում է մեծ իշխան:

Նինոսի մահից յետոյ, Ասորեստանի գահն է բարձրանում նրա կինը՝ Շամիրամը, որ մի շատ պատերազմասէր թագուհի էր:

Նա Մարաստանին ու Պարսկաստանին տէր դառնալուց յետոյ, աչք է տնկում նաև հայոց աշխարհի վրայ:

Ասում են, թէ Շամիրամը վաղուց, դեռ Նինոսի կենդանութեան ժամանակ, զանազան թափառական աշուղներից (երգիչ) լած լինելով Արայի գեղեցկութեանը մասին, սիրահարւել էր նրա վրայ: Իսկ ամուսնու մահից յետոյ, երբ նա բազմաթիւ երկիրների տէր է դառնում, որոշում է Արայի հետ ամուսնանալ:

Նա թանկագին ընծաներով գեսպաններ է ուղարկում Արայի մօտ, որ առաջարկեն նրան ամուսնալ իր հետ ու այդպիսով դառնալ միաժամանակ թէ Ասորեստանի, թէ Մարաստանի և թէ Հայաստանի թագաւոր:

Շամիրամը մեծ յոյս ունէր, որ Արան կընդունէր իր այդ փայլուն առաջարկը, բայց սխալւել էր: Արա գեղեցիկը սաստիկ սիրում էր իր նազելի նւարդ կնոջը, ուստի և կտրուկ կերպով մերժում է Շամիրամին:

Հպարտ ու գոռոզ Շամիրամը Արայի մերժումը լսելով՝ բարկութիւնից կատաղում է: Նա վճռում է զէնքի ոյժով կատարել իր ցանկութիւնը:

Նա իր ընդարձակ երկիրներից բազմաթիւ գորք է հաւաքում և յարձակում Հայաստանի վրայ:

Շամիրամի ահեղ բանակը մեծ դժւարութիւններով հասնում է, վերջապէս, Արարատեան դաշտը, որ Երասխ գետի հիւսիսային կողմութիւն է:

Այդտեղ է գալիս նաև Արա գեղեցիկն՝ իր սակաւաթիւ գորքերով:

Պատերազմի սկզբին Շամիրամը խստիւ պատւիրում է իր զօրքերին չըսպանել Արային, այլ կենդանի բոնել նրան ու բերել իր մօտ:


Սակայն, հակառակ Շամիրամի այդ կարգադրութեանը, նրա զինւորները, կուի ամենատաք միջոցին, չը ճանաչելով, սպաննում են Արային:

Աւանդութիւնն ասում է, որ պատերազմից յետոյ, Արայի սպանւելն իմանալով, Շամիրամը սաստիկ յուզւում ու ցաւում է: Նա հրամայում է մեռելների մէջ որոնել Արայի դիակը, և գտնելուց յետոյ, մեծ սուգ է անում նրա վրայ և թաղել է տալիս մի բարձր տեղ:

Հայերը, երբ իմաննում են իրանց սիրելի իշխանի մահը, սաստիկ գրգռուում են և ուզում շարունակել պատերազմը: Բայց Շամիրամը նրանց հանգստացնելու համար յայտարարում է, թէ աստածները կենդանացընել են Արային, և նա տպրում է իր մօտ, պալատում:

Արայի մահով Շամիրամը տէր է դառնում Հայաստանին: Նա Ալրաբատեան դաշտից գնում է Բըզնունեաց (Աղի ծով) ծովի արեելեան ափը և այնտեղ իր համար մի ամառանոց է շինել տալիս: Այդ ամառանոցը նրա անունով կոչւում է Շամիրամակերտ, բայց այժմ՝ Վան: Շամիրամն իր այդ ամառանոցը շինելու համար, բոլոր գլխաւոր վարպետները բերել է տալիս Ասորեստանից, որովհետեւ տեղացիները գեռ հմուտ չէին լաւ պալատներ և այլ շէնքեր կառուցանելու մէջ. նրանք մեծ մասամբ հասարակ աշխատանքներ էին կատարում:

Շամիրամն այդտեղ շինել է տալիս բազմաթիւ



№ 26. Վանայ քաղաքածայրում:

և սիրուն այգիներ, պարտէզներ ու ծաղկանոցներ, որոնց համար ջուրը բերել է տալիս բաւական հեռելից և անցկացնում քաղաքի զանազան մասերով։

Հռչակաւոր էին Շամիրամակերտի պալատներն ու բաղնիքները, ինչպէս և ապառաժների մէջ փորել տւած այլեայլ մեծութեան սենեակները, գանձարաններն ու անցքերը։

Մինչև այսօր էլ Վանում սեպաձեւ տառերով հրակայական ժայռերի վրայ գրւած արձանագրութիւններ կան, որոնց մասին աւանդութիւնն ասում է, թէ Շամիրամն է փորագրել տւել։

21.

ՏԻԳՐԱՆ ԵՐԻԱՆԴԵԱՆ

(Թագաւոր)

I

Արա զեղեցիկի մահով հայերն իրանց ազատութիւնը կորցնում են և գառնում հարկատու ասորեստանցոց։

Անցնում են բաւական երկար տարիներ, և ասորեստանցիք քանի զնում թուլանում ու տկարանում են։

Այդ բանից օգտւելով, Ասորեստանի հարկատու շատ ազգեր, որոնց մէջ նաև հայերը, հրաժարվում են հարկ վճարել և, մինչև անգամ, ասորեստանցիներին իրանց երկիրներից դուրս քշելով, անկախ թագաւորութիւն են կազմում։

Հայերի թագաւորութիւնը այդ ժամանակից կոչ-
ուում է Հայկազանց թագաւորութիւն:

Հայկազանց թագաւորների մէջ ամենից յայտ-
նին ու ամենից աւելի աչքի ընկնողն՝ եղել է Եր-
ւանդեան Տիգրանը:

Հնումը հայ «Երգիչները» շատ են ոգեսրւել այս
թագաւորով և ամեն լաւ ու գեղեցիկ յատկութիւն
սրան են վերագրել:

Այդ երգիչներն այսպէս էին նկարագրում իրանց
սիրած թագաւորին. «Տիգրանը յաղթանդամ, զւար-
թերես ու քաղցրահամբոյր մի մարդ էր, կեր ու խումի
մէջ պարկեցած ու զւարճութիւնների մէջ չափաւոր.
բացի դրանից՝ նաև խելօք, ճարտարախօս և վերին
աստիճանի արդարագատ էր նա...»:

Տիգրանը յայտնի է եղել զլիսաւորապէս նրանով,
որ մեծ ուշադրութիւն է դարձրել հայկական զօրքի
բարեկարգութեան վրայ,

Մինչև Տիգրանի թագաւոր դառնալը, հայոց զօր-
քը թէ թւով քիչ էր, թէ վատ զինւած և թէ շատ
անվարժ պատերազմների. Նա ինչպէս հետիւտն, այն-
պէս էլ հեծելազօրքի թիւն է շատացնում. Ին զէն-
քերի փոխարէն, կատարելազործւած զէնքերով է զի-
նում նրանց և խիստ կարգապահութիւն մտցնում զօր-
քի մէջ:

Այդպէս կարգի բերւած ու զօրեղ բանակի գլու-
խըն անցած, Տիգրանը մի քանի պատերազմներ է
մղում հարեան թագաւորների դէմ, և յաղթելով նը-
րանց՝ մեծ անուն ու հոչակ է ստանում:

Հարեան թագաւորները, տեսնելով Տիգրանի ոյ-
ժըն ու զօրութիւնը, սաստիկ նախանձում էին նը-

բան և ամեն կերպ աշխատում էին նրա բարեկամն
ու դաշնակիցը լինել: Իսկ ոմանք էլ չարութեամբ
ցանկանում էին կործանել նրա թագաւորութիւնը:

II

Տիգրանն ու Կիւրոսը դաշնակցում են

Տիգրան Երւանդեանի օրով հայերին դրացի ա-
մենառութեղ ամենամեծ պետութիւններն էին՝ հա-
րաւարեկելքից Մարաստանը, իսկ արևելքից Պարսկա-
տանը. Մարաստանում թագաւորում էր նախանձուտ
Աժդահակը, իսկ Պարսկատանում Աժդահակի թոռը՝
Երիտասարդ ու կտրիճ Կիւրոսը:

Կիւրոսն իր պապին չափազանց ատում էր և
մինչև անգամ մտածում էր խլել նրա թագաւորու-
թիւնը:

Իր մտագրութիւնն իրագործելու համար, նա բա-
րեկամանում է և դաշն կապում Տիգրանի հեա:

Այդ գաշնակցութեան մասին իմանալով, Աժդա-
հակը ծանր կասկածների մէջ է ընկնում:

Զափազանց մտածելուց, նա զիշերը մի զարհու-
թելի երազ է տեսնում և հէնց նոյն զիշերն էլ, խոր-
հրդականներին ու զիտնականներին կանչելով, յուզ-
ւած պատմում է իր երազը:

«Ես, ասում է նա, գտնւում էի Հայաստանում,
որի բարձր ու ձիւնապատ լեռներից մէկի զագաթին՝
նստած էր մի բարձրահասակ, խիստ նազելի ու գե-
ղեցիկ կին: Երբ հիացած, սքանչացած նայում էի

այդ չքնաղ արարածին, ահա նա ծնում է երեք կտրիճներ: Սրանցից առաջինը՝ առիւծի վրայ հեծած՝ արևուտք է թռչում, երկրորդը՝ ընձի վրայ նստած՝ հիւսիս է սլանում, իսկ երրորդը՝ մի ահագին վիշտ սանձած՝ ուղիղ արշաւում է իմ տէրութեան վրայ: Այդ ժամանակ ես, իբր թէ գտնում էի իմ պալատի տանաքի վրայ, ուր ես և ձեզանից շատերը, միասին աստւածներին զոհ էինք մատուցանում: Յանկարծ վիշտ պի վրայ նստողը՝ թռաւ տանիքի վրայ և ուզում էր աստւածներին ջարդ ու փշուր անել: Ես զայրացայ ու նետւեցի նրա դէմ: Կատաղի կերպով կուեցինք, առաջ նիզակներով, յետոյ սրերով ու այլ զէնքերով... Ես ընկայ...»:

Խորհրդականներից շատերն երազը զանազան կերպ մեկնելուց յետոյ, համաձայնում են Աժդահակի հետ, որ յիշաւի, հայոց և պարսից կողմից վտանգ էր սպառնում մարերի թագաւորութեանը: Դրա առաջն առնելու համար, նրանք խորհուրդ են տալիս Աժդահակին՝ դիմել հետեւեալ խորամանկութեան:

Աժդահակը թանկագին ընծաների հետ մի սիրալիր նամակ է ուղարկում Տիգրանին և առաջարկում է նրան բարեկամներ դառնալ. և որպէս զի բարեկամութիւնը մշտական և անկեղծ լինի՝ խնդրում է, որ Տիգրանն իր քրոջը—Տիգրանուհուն՝ իրան կնութեան տայ:

Տիգրանը մտածելով, որ այդ խնամիութեամբ չայստանի հարաւային սահմանը մշտապէս ապահովւած կարող է լինել, մեծ պատիւներով ու թանկագին նւէրներով իր քրոջն ուղարկում է Մարատան—Աժդահակին կնութեան:

Աժդահակը տեսնելով սիրասուն արքայազնունուն՝ սաստիկ ուրախանում է և հրամայում ճոխ հարսանեկան հանդէսներ սաբքել:

Տիգրանուհին կարճ ժամանակի ընթացքում Աժդահակի բոլոր կանանց մէջ՝ ամենից պատւաւորն ու ամենից յարգւածն է դառնում և Տիկնանց Տիկին է հոչակւում:

III

Տիգրանի եւ Աժդահակի պատերազմը

Երկար չեն տեսում, սակայն, Տիգրանուհու առաջն քաղցր օրերը:

Կասկածոտ Աժդահակը սկսում է պղտորել Տիգրանուհու սիրալ, ասելով, որ Տիգրանի կինը, Զարուհին՝ շատ է նախանձում Տիգրանուհու փառքին և գրգռում է ամուսնուն Մարատանը նւաճել, որպէսզի ինքը մարերի թագուհին դառնայ:

Եղբայրասէր Տիգրանուհին իսկոյն հասկանում է Աժդահակի չար դիտաւորութիւնը. նա երեսանց ոչ մի դժոնութիւն չէ ցոյց տալիս, բայց գաղտնի եղբօրը լուր է ուղարկում որ շատ զգոյշ լինի:

Աժդահակը վստահ Տիգրանուհու հաւատարմութեանը վրայ, պատգամաւորներ է ուղարկում Տիգրանի մօտ և հրաւիրում նրան գալ իր հետ տեսակցելու:

Տիգրանն այս անգամ արդէն սաստիկ զայրացած Աժդահակի վրայ, յետ է դարձնում նրա պատգամաւորներին ու պատերազմի պատրաստում:

Միւնոյն ժամանակ նա լուր է ուղարկում իր գաշնակից Կիւրոսին, ասելով, որ շատ լաւ առիթ է Աժդահակի վրայ յարձակւելու:

Հայաստանի զանազան կողմերից բազմաթիւ զօրք հաւաքելով, Տիգրանն արշաւում է Մարաստանի վրայ: Գալիս է նոյնպէս քաջ Կիւրոսն իր ընտիր զօրքերով:

Պատերազմը գեռ չըսկած, Տիգրանուհին փախչում գնում է իր եղբօր մօտ:

Երկու կողմերը սոսկալի կատաղութեամբ յարձակւում են իրար վրայ: Կուի տաք ժամանակին Տիգրանը սլանում է Աժդահակի վրայ ու նիզակի մի հարւածով տեղն ու տեղը սպանում է նրան:

Աժդահակի բանակի մի մասը կոտորւում, միւսը գերի է բռնւում, իսկ մնացածն էլ ցիր ու ցան փախգերի է բռնւում, իսկ մնացածն էլ ցիր ու ցան փախչում է, թողնելով պատերազմի դաշտում անբաւ հարստութիւն:

Աժդահակի անկումով մարերի թագաւորութիւնը վերջանում է: Կիւրոսն է տիրում Մարաստանի մեծ մասին:

Այս պատերազմում Տիգրանը գերի է վերցնում Աժդահակի կնոջը՝ Անոյշ թագուհուն և նրա բազմաթիւ աղջիկներին: Դրանց բոլորին նա բնակեցնում է Մասիս սարի արևելեան կողմերում:

Այս ազնւականների հետ կային նաև ուրիշ՝ մօտ տասը հագար գերիներ, որոնց նոյնպէս Մասիսի ստորոտմն են բնակեցնում:

Անոյշ թագուհու ցեղը, բնակւելով այդ ընդաձակ երկրում և ունենալով իր ձեռքի տակ բազմածակ երկրում ստրուկներ, ժամանակի ընթացքում

թէ մեծ հարստութիւն է դիզում և թէ դառնում է Հայաստանի յայտնի ազնւական տոհմերից մէկը:

Գողթան գաւառի երգիչները դրանց վիշտապարունք են անւանել, այսինքն վիշտապների ոերունդ, որովհետև Աժդահակ վիշտ է նշանակում:

Այս տոհմը Հայաստանում ճանաչւել է Մոլուցան անունով:

Տիգրանը Աժդահակի հետ իր գործերն այսպէս մաքրելուց յետոյ, իր շինել տւած Տիգրանակերտ քաղաքի ու գաւառի եկամուտը նւիրում է Տիգրանունը, որպէսզի նա էլ թագուհու վայել կեանք վարէ:

Այսուհետև նա, գեռ բաւական տարիներ իր ժողովուրդը խաղաղ ու հանգիստ կառավարելուց յետոյ, մեռնում է, խոր վիշտ պատճառելով հայ ժողովրդին:

28.

ԱԽԵՒՏՈՒՐ ԿԱՄ ՎԱՃԱՌԱԿԱՆՈՒԹԻՒՆ

Նախամարդիկ առետուրի մասին նոյնպէս ոչ մի գաղափար չունէին, որովհետև դեռևս ոչ մի աւելուրդ, ծախելու բան չունէին: Նրանք հազիւ էին օրէցօր իրանց գլուխը պահում: ամեն ինչ այնպիսի դժւարութեամբ էր ձեռք բերում, որ ոչ ոք չէր ուզենայ իր ունեցածն ուրիշին տալ կամ ծախել:

Իոկ չունեցած բանը նրանք, փոխանակ գնելու կամ փոխարէնը մի բան վճարելու, ձեռք էին բերում գողութիւնով կամ աւազակութիւնով: Այդ եղանակով պէտք եղածը ձեռք բերելն այն աստիճան սովորական բան

էր, որ մարդիկ պարծենում էին, թէ ով և որչափ
բան է գողացել կամ յափշտակել:

Սակայն, ժամանակի ընթացքում, երբ մարդիկ
կարողանում են այնքան ուտելիքներ կամ առարկա-
ներ արտադրել, որ աւելորդ էլ էր մնում, նրանք ըս-
կում են այդ աւելորդը միմեանց հետ փոխանակել:

Աւելի հացահատիկներ ունեցող երկրագործը,
փոխանակ թողնելու որ իր աւելորդը փշանայ,
տալիս էր աւելորդ ձուկ կամ խաշինք ունեցողին և
նրանցից այդ իրերն առնում:

Այդպէս միմեանց հետ փոխանակելով է սկսւել
մարդկանց միջև առևտուրը, որ տեսլ է երկար դա-
րեր, մինչև որ մարդիկ փողի կարիք են զգացել:

Փողն էլ առաջ, հիմիկւան պէս, մետաղներից
չէին պատրաստում: Իբրև փող մարդիկ գործ էին
ածում ընտանի անսառւններ, մուշտակներ և կամ
ուրիշ այնպիսի իրեր, որոնք ամեն մարդու էլ շատ
պէտքական էին, ուստի և կարելի էր դրանց միշտ
մի որ և է բանի հետ փոխել, կամ նրանցով բան
գնել:

29.

ԿՐՈՆԻ ԾԱԳՈՒՄԸ

Նախամարդիկ, ճիշտ փոքրիկ երեխաների նման,
բոլորովին անզօր էին ընութեան բազմատեսակ ե-
րեսոյթները հասկանալու: Նրանք տեսնում էին, օրի-
նակ, թէ ինչպէս փայլուն արեր դուրս է գալիս ա-
ռաւօտները, բերելով իր հետ լոյս ու ջերմութիւն,

և ապա, երեկոները գնում թագնւում հորիզոնի ետևում.
թէ ինչպէս տաք ու պայծառ ցերեկին յաջորդում է
մուլթ ու խաւար գիշերը, և ինչպէս երկնքի վրայ
պսպղում էին բազմաթիւ աստղեր: Նրանք տեսնում
էին, թէ ինչպէս այդ աստղներից շատերը, մանաւանդ
ամառ ժամանակ, թափւում են երկնքից, բայց թէ
ուր էին վայր ընկնում՝ նրանք այդ չըգիտէին ու
չէին էլ կարող հասկանալ:

Մարդիկ չէին կարողանում նոյնպէս հասկանալ,
թէ ի՞նչ բան է լուսինը, որն ամիսը մի անգամ դուրս
է գալիս երկնակամարի վրայ եղջիւրի ձեռվ և ապա,
հետզհետէ մեծանում, զաթայի ձև է առնում:

Նոյնպէս անբացատրելի էին, նախապատմական
մարդկանց համար որոտը, կայծակը, բամին և այլ
շատ բնական երեսոյթներ:

Անկարող լինելով հասկանալ բնական երեսոյթնե-
րը, մարդիկ փորձով նկատում էին, սակայն, որ այդ
երեսոյթներից շատերը օգտակար են, իսկ շատերն էլ՝
վնասակար: Բացի դրանից՝ նրանք նկատում էին, որ
միւնոյն երեսոյթը երբեմն շատ օգտակար, իսկ երբեմն
էլ խիստ վնասակար է: Այսպէս, օրինակ, չափաւոր
ու ժամանակին եկած անձներ շատ օգտակար է, իսկ
չափից աւելի և անժամանակ եկածը՝ հեղեղատներ է
առաջացնում ու մեծ վնասներ տալիս:

Զկարողանալով բացատրել այդ բոլոր երեսոյթ-
ները, մարդիկ չէին կարողանում և նրանց հասցրած
վնասների առաջն առնել: Այդ պատճառով էլ նա-
խամարդիկ սաստիկ վախենում ու սարսափում էին
բնութեան ամեն երեսոյթներից: Իսկ վախի ու սար-
սափի հետևանքն այն է եղել, որ մարդիկ համաշեա-

թէ ամբողջ ընութիւնը պաշտամոնքի առարկայ են դարձրել եւ ամեն մի երեսոյթ մի առանձին աստած համարել:

30.

ԲԱՐԻ ԵՒ ԶԱՐ ԱՍՏԻԱԾՆԵՐ

Մարդիկ ենթադրում էին, թէ ընութեան բոլոր երեսյթներն ու տարրերը բարի ու չար աստւածներ են, որ նրանց մէջ բարի ու չար ոգիներ են բնակւում:

Այդպիսով մարդու համար աստւածներ դարձան և արեգակը, և երկինքը, և լուսինը, և կայծակը, ինչպէս նաև գետը: Մինչև իսկ վայրի գաղաններն ու բոլոր անասուններն էլ մի-մի աստւածներ էին համարւում:

Բարի աստւածներ էին համարւում այն բոլոր երեսյթներն ու տարրերը, որոնցից մարդն օգուտ էր տեսնում, իսկ չար աստւածները նրանք էին, որոնք վնաս էին հասցնում մարդուն:

Նախապատմական մարդկանց կարծիքով բոլոր շնչաւոր ու անշունչ առարկաների մէջ մի-մի ոգի էր բնակւում և դրա համար էլ նրանք բոլորը գի-էր բնակւում և հասկացողութիւն ունէին: Բացի այդ, տակցութիւն և հասկացողութիւն ունէին: Բացի այդ, նրանց կարծիքով, ամեն մի բան աշխարհի վրայ այդ առարկաների մէջ բնակւող ոգիների ցանկութեամբ էր կատարւում:

Եթէ, օրինակի համար, ժայռի գլխից մի քար էր վայր ընկնում ու սպանում մարդուն, մարդիկ

իսկոյն ենթադրում էին, թէ քարը վայր ընկաւ նրա մէջ ապրող ոգու ցանկութեամբ: Այդպիսով ամեն մի գժբաղդութիւն կամ բաղդառութիւն ընութեան մէջ ապրող ոգիների կամքիցն էր կախւած: Եւ քանի որ այդ ոգիները մարդու նման կամք և հասկացողութիւն ունէին, ուստի, ենթադրւում էր, որ նրանք կարող էին և խօսք հասկանալ, բան ուտել և զանազան նւէրներ ընդունել:

Այդպէս հաւատալով, մարդիկ սկսում են բարի աստւածներին խնդրել ու աղաչել, որ իրանց միշտ պաշտպանեն զանազան չարիքներից: Իսկ չար աստւածներին էլ խնդրում, աղաչում էին, որ մեզմացնեն իրանց բարկութիւնն ու չարիքներ չը հասցնեն:

Ահա այս կերպով է առաջացել աստւածներին աղօթելու գաղափարը:

Բայց աղօթքները շատ անգամ անզօր էին հանդիսանում. միմիայն խնդրքով և աղաչանքով անկարելի էր լինում գժբաղդութիւնը վերացնել: Դրա համար էլ մարդիկ աշխատում էին զանազան նւէրներով շահել աստւածների սիրտը:

Ամենից շատ նրանք հոգ էին տանում, որ աստւածները քաղցած չը մնային: Ուստի, ամեն անգամ ճաշելիս՝ մարդիկ աստւածներին բաժին էին հանում: Աստւածների բաժինը նրանք դնում էին մի յայտնի տեղ և հաւատացած էին, թէ աստւածները գալիս և ուտում են: Մինչև այսօր էլ կան շատ ցեղեր, որոնք գեռ ևս այդ սովորութիւնն ունեն:

Աստւածներին յատկացրած բաժինը կոչւում էր զոհ, իսկ աստծուն բաժին հանելը՝ զոհարերութիւն:

31.

Ք Ո Ւ Թ Ե Բ

Շատ անգամ ոչ միայն աղօթքով, այլ և զոհաբերութիւններով էլ անկարելի էր լինում աստւածների բարկութիւնը մեղմացնելու դժբաղդութեան առաջն առնել: Այդ հանգամանքը նախամարդիկ բացատրում էին նրանով, թէ աստւածներն էլ, մարդկանց նման, էին նրանով, թէ աստւածներն ունեն: Հարկագանական ճաշակ ու բնաւորութիւն ունեն: Հարկագանական ճաշակ ու բնաւորութիւն ունեն:

Բացի գրանից, նրանք այնպէս էին հաւատում, թէ ամեն մի դժբաղդութիւն մի առանձին աստծու գործն է: Պէտք էր, ուրեմն, իմանալ, թէ այս կամ պահանջութեան դէպքում ո՞ր աստծուն դիմել: այն դժբաղդութեան դէպքում ո՞ր աստծուն էլ մարդկան էլ, օրինակ, չը նայած ամեն տեսակ աղօթքների եթէ, որինակ, չը նայած ամեն տեսակ աղօթքների աղօթքների, այլ առանձին դիմելում էր, այդ առ զոհաբերութեան, հիւանդը մեռնում էր, այդ առ զացոյց էր, որ հիւանդի տէրերը սխալւել են ու չեն պահանջութեան ամամար անհրաժեշտ էր բոլոր աստծուների բնաւորութիւնն ու ճաշակն իմանալ:

Ընդհանուր այդպիսի տգիտութիւնից օգուտ քաղելով, գուրս էին գալիս ճարպիկ ու խորամանկ մարդկեր էին գալիս ճարպիկ ու խորամանկ մարդկեր, որոնք միջնորդի դեր էին կատարում աստւածդիկ, որոնք միջնորդի դեր էին անկարելու մարդկանց միջև: Նրանք գուշակութիւններ ու մարդկանց միջև: Նրանք գուշակութիւններ ու մարդկանց կութիւններ էին անում, կախարդութիւններով կամ աղօթքներով հիւանդներ էին բժշկում և սերով կամ աղօթքներով հիւանդներ էին բժշկում և սերից այդպիսի զանազան գործերով պարապում:

Այդ կարգի մարդկանց կոչում են կախարդ, վհուկ և այլ անուններով:

Հնումը մարդիկ կախարդներից սաստիկ վախենում էին, կարծելով թէ նրանք կարող են աստւածների միջոցով ամեն տեսակ չարիքներ հասցնել: Եւ այդ չարիքներից ու կախարդների բարկութիւնից վախնալով, մարդիկ ամեն կերպ աշխատում էին նրանց սիրտն էլ շահել զանազան նւէրներով ու ընծաններով:

Այդ զանազան տեսակի կախարդներն ու գուշակողները ժամանակի ընթացքում աւելի ու աւելի մեծ դիրք ու պատիւ ստացան ազգերի մէջ և կոչւեցին քուրմեր, այսինքն աստւածների պաշտօնեանները:

Ինչպէս որ մի ազգի իշխանաւորները հոգ էին տանում ժողովրդին օտար թշնամիներից պաշտպանելու մասին, այնպէս էլ քուրմերն էին հոգ տանում ժողովրդին աստւածների բարկութիւնից ու չարիքներից ազատ պահելու մասին:

Քուրմերն իրանց աղօթքների և այլ արարողութիւնների համար, ժողովրդից առատ վարձատրութիւն էին անում:

Հայ գիւղերում մինչև այսօր էլ գեռ կան կախարդներ, որոնք յայտնի են «գրքաց», «նետ գնող», «աղօթող», «թիգ չափող» և այլ անուններով: Նրանք աղօթքներով ու զանազան միջոցներով հիւանդներ են բժշկում, գուշակութիւններ անում և այլ և այլ կախարդութիւններ անում: Տգէտ ժողովուրդը դեռ այսօր էլ գրանցից վախենում է և մեծ յարգանքով ու պատւով է վերաբերում:

ԿՐԱՊԱՇՏՈՒԹԻՒՆ

Նախամարդիկ կամենալով իրանց պաշտած անտեսանելի աստւածներին մշտապէս տեսնել սկսել են փայտից, քարից ու մետաղներից էլ աստւածներ շինել: Չեռքով շինւած աստւածները կոչւում են կուռքեր:



№ 27 Կուռք-հրեշ

Բնութեան ամեն մի երեսյթը պատկերացնելու համար, մի առանձին կուռք էին շինում: Այսպէս՝ բամին, որոտը, երաշտը և ուրիշ շատ բնական երեսյթներն նրանք առանձին-առանձին կուռքերով էին պատկերացնում:

Կուռքեր պաշտելը կոչւում է կուսապաշտութիւն:

Քանի դեռ մարդիկ լաւ գործիքներ չունեին ու վարժ չէին նկարելու և քանդակելու արւեստներին, նրանց շինած կուռքերը չափազանց տձե կոշտ ու կոպիտ բաներ էին: Բացի դրանից՝ մարդիկ աշխատում էին իրանց շինած կուռքերին այնպիսի մի կենդանի արարածի կերպարանք տալ, որ ոչ մի կենդանու չը նմանւեն: Այսպէս կուռքի գլուխը մարդու էին նմանեցնում, իսկ մարմինը՝ մի շատ հսկայական թերառը եղի և այլն:

Շատ անգամ այդ հրեշանման կուռքերն այնպիսի զարհուրելի կերպարանքով էին շինում, որ նայողին միմիայն վախ ու սարսափ կարող էին ազդել:

Ժամանակի ընթացքում, երբ մարդիկ հետզհետէ վարժւեցին քանդակագործութեան արւեստին, նրանք սկսեցին իրանց կուռքերն աւելի ու աւելի գեղեցիկ կերպարանքով շինել:

Աւելի ուշ ժամանակներում, մարդիկ տեսնելով, որ աշխարհիս բոլոր կենդանի արարածներից ամենագեղեցիկը մարդն է, սկսան իրանց կուռքերը միմիայն մարդու կերպարանքով շինել: Նրանք այդ ժամանակ աշխատում էին իրանց կուռքերն ամենագեղեցիկ տղամարդու կամ կնոջ նմանեցնել: Այդ տեսակի կուռքերը շինուում էին զլխաւորաբար մարմար քարից և բրոնզից. երբեմն նոյնիսկ ոսկուց ու արծաթից:

Այդպիսի կուռքերն արձան են կոչւում:

Արձաններ շինելու արւեստը սաստիկ զարգացած էր Յունաստանում: Հազարաւոր տարիներ առաջ այնտեղ շինած մարմարէ արձանները մինչեւ այսօր էլ պահւում են մուզէյներում և նայողին հիացմունք պատճառում,

Հայերն էլ շատ հնումը իրանց կուռքերը կամ
արձաններն ունէին: Դրանցից իրանց գեղեցկութեամբ
յայտնի էին Անահիտն ու Աստղիկը:

Կուռքերին սկզբում մարդիկ դնում էին բացօղեայ
մի որևէ ըլլի գագաթին, կամ գետի եղերքին և կամ



№ 28. Անահիտի արձանը

անտառի մէջ: Այդ տեղերումն էլ մարդիկ հաւաքւում
էին, որոշ ժամանակներում, իրանց պաշտամունքը
կատարելու և քուրմերի միջոցով աստւածների պատ-
գամները լսելու:

Ժամանակի ընթացքում, մարդիկ կուռքերին յա-
տուկ բնակարաններ շինեցին, որ մեջիաններ կոչւե-
ցին: Մեհեաններում էին պահուում կուռքերը, այն-

տեղ էին քուրմերը կատարում իրանց կրօնական ա-
րարագութիւններն ու ժողովրդի բերած զոհաբերու-
թիւնները:

33.

ՄԱՐԴԱՊԱՇՏՈՒԹԻՒՆ

Նախամարդիկ երբեմն կենդանի մարդկանց էլ էին
աստւածացնում: Դրանք լինում էին մեծ մասամբ ցե-
ղի կամ ազգի այն իշխաններն ու թագաւորները, որ
ամենից աւելի դաժան և անոելի բնաւորութիւն էին
ունենում:

Այդպիսիներից մարդիկ սաստիկ վախենում ու
սարսափում էին: Իսկ ինչոր նախամարդուն վախ էր
ազգում, նա էլ պաշտամունքի առարկայ էր դառնում:

Այդ կարգի մարդկանց այնպիսի գերբնական յատ-
կութիւններ էին վերագրում, որպիսին մարդկանց
կարծիքով, միմիայն աստւածները կարող են ունենալ:

Մարդիկ չէին կարողանում հաւատալ, օրինակ,
թէ ամբողջ կեանքում ժողովրդին տանջող դաժան
իշխանն ու թագաւորը կարող են, ուրիշ մարդկանց
նման մեռնել և այլևս վաս չը հասցնել: Նրանք չէին
հաւատում նոյնպէս, թէ այդ բոնակալները սովորական
մարդկանց նման են ծնւել:

Եւ այդպիսի աստւածացւած իշխանների կամ
թագաւորների մասին, մանաւանդ գրանց մահից յե-
տոյ, մարդիկ հազար ու մի առասպելներ էին յօրի-
նում իրանց վառ երկակայութեամբ և պատմում
սերունդից սերունդ:

Վ Ա Հ Ա Գ Ն

Հայ ժողովուրդն էլ շատ հին ժամանակներում
իր թագաւորներից մի քանիսին աստւածացը ել ու
պաշտել է:

Այդպիսիներից մէկն է եղել վահագն թագաւորը:
Վահագնը Տիգրան Երւանդեանի մեծ որդին ու
յաջորդն էր: Դեռ հօր կենդանութեան ժամանակ, նա
զանազան պատերազմների մէջ ցոյց տւած քաջա-
գործութիւններով, մեծ անուն էր հանել և ժողովրդի
սիրելին դառել:

Վահագնի մասին, հնումը, հայ երգիչները շատ
ու շատ բաներ են պատմել ու երգել: Պատմում էին,
որ նա կատաղի կոփւ է մղել վիշտապների
(թերեւ Մարաստանից գաղթած Աժգահակիցնեղի) դէմ
(յաղթելով նրանց, վիշտապարա անունն է ստացել:
Վահագնի օրերում, հայերը հեթանոս էին. նը-

րանք պաշտում էին ընուժիմնը՝ երկինքն ու երկիրը,
ինչպէս նաև զեղեցիկ ու քաջ մարդկանց:
Հեթանոս հայն ամեն առաւօտ ծագող արեին էր
Երկրագում ու աղօթում և նրան էր ընդունում բո-
լոր բարիքների պատճառը: Նա ամենից աւելի սի-
րում էր արեաստւածը:

Հէնց այդ էր պատճառը, որ նրանք իրանց չա-
փից դուրս սիրած մարդուն համեմատում էին արե-
աստծու հետ: Այսպէս Վահագնի ծնունդը նրանք
մարդկային չէին համարում, այլ աստւածային:

Ահա թէ ինչպէս Գողթան գաւառի երգիչները
հնումը երգել վահագնի ծնունդը *):

Երկնեց երկին և երկիր,
Երկնեց ի ծով ծիրանի,
Եւ եղեգնիկը կարմիր
Երկնեց ծովում ծիրանի:

Ծուխ է դուրս գալիս եղեգան փողից
Բոց է դուրս գալիս եղեգան փողից.

Բոց է պատել կարմիր եղեգնիկ,
Բոց է գարձել և ծով ծիրանի,
Կարմիր բոցիցն ահա մի մանկիկ.
Վահագն ահա—մանուկ գեղանի:

Բոց մօրուքով,
Հուր շրթունքով.

Հուրհեր զլիխն հրեղէն պսակ
Եւ աչերն են զոյգ արեգակ:

Ալեծուփ ծովի ծիրանի ալիք
Գնում են գալիս, ծեծում են ափունք,
Ահեղամոռնչ գոռում է մանկիկ,
Սաստում են ալեացն հրավառ շրթունք:

*) Մենք փոխանակ այստեղ դնելու Գողթան երգիչների
երգած «Երկնէր երկին և երկիր» զրաբար բանաստեղծու-
թիւնը, որ անմատչելի է աշակերտներին, «Գեղարւեստ»
հանդէսից արտատպելով՝ տեղ հնք տալիս մեր յայտնի բա-
նաստեղծ Յովհ. Յովհաննիսեանի նոյնանուն բանաստեղծու-
թիւնը, որը շատ հարազատ և միենոյն ժամանակ շատ գե-
ղեցիկ կերպով պատկերացնում է դիւցազն Վահագնի առաս-
պելական ծնունդը:

Վահագն ծնաւ, լոեցէք ալիք,
Դու ծռվահալած, դադար առ, մըրիկ.
Թհերն ոսկեհուռ, հրահեր բաշով,
Նժոյգը տակին՝ սլացաւ վերև,—
Երեսըդ ծածկիր համեստ շղարշով,
Տես՝ ով է գալիս, և դու, հուր արև:
Գլուխդ ալսոր, քաջածին Մասիս:
Դու էլ խոնարհիր, Վահագն է գալիս:
Երկինք ու երկիր և ծիրանի ծով
Աւետում են քեզ ցաւերի դու ծով:
Ցնծա, բիւր վիշտա Հայաստան աշխարհ,
Փրկութեան արև—Վահագնիդ տեսար:

Վահագն աստծու մասին պատմում էին նաև, որ նա
մի օր գնացել է Ասորեստանի Բարշամ աստծուց յարդ
է գողացել: Երկնքի երեսով փախչելիս յարդը թափթը-
փում է, որից մի մեծ սպիտակ հետք է գոյանում և որը,
իբր թէ, մինչև այսօր էլ երեսում է երկնքի երեսին ու
կոչում է Դարմանազողի կամ Յարդզողի ճանապարհ:

Վահագն թագաւորին աստւածացնելով, հայերը
նրա անունով Աշտիշատում մի տաճար էին շինել և
այնտեղ դրել նրա պղնձէ արձանը: Այդ տաճարը կոչ-
ում էր Վահագնի սենեակ կամ Վահեվահեան մեհեան:

Տարւայ որոշ օրերում, Հայաստանի ամեն կող-
մերից այդտեղ հազարաւոր մարդիկ ուխտի էին զը-
նում և խնդրում նրանից առողջութիւն, քաջութիւն,
անուշ ձայն և ամեն տեսակ բարիք:

Վահագնի ժառանգները այդ տաճարի քրմապետո-
ներն ու քրմերն էին, որի եկամուտով էլ, այսինքն
նւէրներով, նրանք ապրում էին:

35.

Լ Ե Զ Ո Ւ

Նախապատմական մարդիկ, սկզբում, իրանց խօ-
սելու եղանակով բոլորովին չէին տարբերում փոքր
երեխաներից: Նրանք էլ իրանց միտքը հասկացնում
էին միմիայն ձայնել ու բացականչութիւններ ար-
ձակելով և դէմքի ու ձեռքերի շարժումներով:

Եթէ, օրինակ, մէկն ուզում էր իր ընկերներին
զգուշացնել, թէ այսինչ տեղում արջ, գայլ կամ մի
ուրիշ գազան կայ, նա այդ գազանի նման մոնչում
էր ու դէմքն ծոմոռում ճիշտ այնպէս, ինչպէս որ մար-
դիկ, այդ գազաններին պատահելիս, սարսափից կարող
են անել:

Այդ եղանակով միմեանց հետ խօսելով, նախա-
մարդիկ էլ, փոքր երեխաների նման, շանը ասում էին
«հաւ-հաւ», կատուին՝ «միառու», թոշունին՝ «ճիւ-ճիւ»,
նրա ձագուկին՝ «ծիւ-ծիւ» և այլն:

Նոյն ձեռվ նրանք խօսքեր էին հնարում նաև
բնութեան զանազան երկոյթների և այլ առարկա-
ների համար:

Ճէնց այդ ձայներից ու զանազան բացականչու-
թիւններից է, որ հետզհետէ, երկար դարերի ըն-
թացքում, կազմւել ու զարգացել է մարդկային լե-
զուն: Եւ քանի մարդկանց կեանքը բարդացել, այն-
քան էլ նրանց լեզուն և ոճը հարստացել են:

Շատ անդամ մարդիկ միենոյն բառը տարբեր
շեշտով և եղանակով արտասանելով, տարբեր էլ միտք
էին յայտնում: Այսպէս, երբ կամենում էին ասել,

որ այսինչ բանը շատ հեռու է գտնւում, ասում էին՝
հեռու, իսկ շատ մեծ ասելու տեղ, ասում էին՝
մեեծ, և այն:


Ամեն մի ցեղ, իր ապրած երկրի կլիմայի ու
վարած կեանքի համաձայն, իր յատուկ լեզուն էր
հնարում: Իսկ լեզուների կազմակերպելու հետ միա-
սին կազմակերպւում էին բազմաթիւ և զանազան
ազգերը:

36.

Գ Ի Բ

Մարդիկ գրել սովորել են շատ աւելի ուշ ժա-
մանակներում: Եւ սկզբում գիրը բոլորովին այն չէր,
ինչոր այսօրւան մեր գործածածն է:

Առաջ մարդիկ, կամենալով նշանների միջոցով,
այս կամ այն առարկայի մասին, մի որ և է միտք



№ 29. Հերօգլիֆներ (Պատկերագրեր)

արտայայտել, նկարում էին այդ առարկան: Եթէ օ-
րինակ, ուզում էին ասել, թէ կովերը, ձիերը կամ
մարդիկ գնացել են, նրանք գնացող կով, ձի և մարդ
էին նկարում: Իսկ եթէ ուզում էին ասել, թէ մար-

դիկ միմեանց հանդիպեցին, կամ թէ միմեանցից բա-
ժանւեցին, նկարում էին դէմառ դէմ եկող, կամ մի-
մեանցից հեռացող մարդկանց պատկերներ:

Որովհետեւ այն ժամանակ մարդիկ դեռ ոչ թուղթ
ոչ մատիտ և ոչ էլ ուրիշ նկարելու որևէ բան ու-
նէին, ուստի նրանք նկարում էին փորագրելով: Փո-
րագրում էին փայտի, կաւի և քարի վրայ:

Փորագրւած նշաններով գրւած գիրը կոչւում է
հերօգլիֆ:

Հերօգլիֆով գրելը շատ հեշտ բան չէր և ահա-
զին ժամանակ էր խլում: Մարդիկ, կամենալով աւե-
լի արագ գրել, սկսում են հետզհետէ կրծատած նը-
կարներով գրել. այսինքն՝ ամբողջ առարկայի փո-
խարէն, նրա մի մասն էին միայն նկարում: Այդպէս՝
մի ամբողջ թուզունի կամ անասունի տեղ՝ նկարում
էին նրա գլուխը, մի ոտը, կտուցը կամ աչքը:

Այդպիսի բազմաթիւ կրծատումների հետեանքն
այն է եղել, որ ժամանակի ընթացքում մի բոլորո-
վին ուրիշ տեսակի գիր է ստացւել, այնպիսի գիր,
որը հերօգլիֆին այլևս չէր նմանում:



№ 30. Սեպագրեր

Այդ նոր տեսակի գրերը կամ տառերը շատ նը-
ման են մեխերի կամ սեպերի, և այդ պատճառով էլ
կոչւել են սեպաձեւ տառեր կամ սեպագրեր:

Հայաստանումն էլ շատ հին ժամանակներում սե-
պաձեւ տառերով էին գրում:

Աւելի ուշ մարդիկ, քարի, փայտի ու կաւի փոխարէն, գրելու համար գործ էին ածում կաշի. կաշւի խիստ բարակցրած ու նուրբ տեսակը կոչում է մազաղաթ:

37.

ԱՌԱՍՊԵԼՆԵՐ

Հազարաւոր տարիներ անցնելուց յետոյ, երբ ցեղերն ու ազգերը կազմակերպւել էին ու իրանց համար ապահով վիճակ ստեղծել, մարդիկ սկսում են իրանց հեռաւոր անցեալով հետաքրքրւել: Ամենքն էլ փափագում են իմանալու, թէ երբ և որտեղից է առաջ եկել իր ազգը, ովքեր են եղել իր նախահայրերը և այլն:

Այդ ժամանակ ահա, ամեն մի ժողովուրդ աշխատել է երեւակայութեամբ զանազան պատմութիւններ հնարել իր նախնիքների մասին և աւանդել սերունդից սերունդ:

Շատ դէպօւմ այդ պատմութիւնները միանգամայն զուրկ էին որ և է ճշութիւնից: Նրանք պարզապէս վառ երեսակայութեամբ յօրինւած բաներ էին: Իսկ շատ անգամ էլ մի որ և է իսկական դէպք այն աստիճան ծաղկեցնում էին, որ նոյնպէս խիստ հեռանում էր ճշմարիտ պատմութիւնից:

Այն պատմութիւնները, որոնք զուտ երեսակայութեան արդիւնք են, կոչում են առասպելներ: Իսկ նրանք, որոնք մի որոշ չափով խառն են իս-

կական եղելութիւններով՝ կոչում են աւանդութիւններ:

Ամեն մի ժողովուրդ իր ազգի ծագումի ու անյիշելի անցեալի մասին շատ ու շատ այդ կարգի պատմութիւններ է յօրինել:

Այդ կարգի պատմութիւններից են Հայկի, Արամի, Արա գեղեցիկի, Տիգրանի և Վահագնի մասին պատմւածները: Կան և շատ ուրիշները, որ համեմատաբար աւելի նոր ծագումն ունեն:

38.

Վ Ա Ր Շ Ա Կ

I

ԱԾակունիների տիրապետովմիւնը

Հայկազանց Վահագն թագաւորի մեռնելուց բաւկան ժամանակ յետոյ, Հայաստանին ու նրա գրացի բոլոր երկիրներին տէր է դառնում մակեղոնացիների Մեծն-Ալէքսանդր հռչակաւոր թագաւորը:

Սակայն, երբ Մեծն-Ալէքսանդրը մեռնում է, հպատակ ազգերը միմեանց յետելից գլուխ են բարձ. բացնում և մի-մի առանձին թագաւորութիւն հաստատում:

Այդ նորակազմ թագաւորութիւններից ամենից նշանաւորն ու զօրաւորը պարթևների երկրում կազմւածն էր, որը գտնուում էր կասպից ծովի հարաւարեւելեան կողմում: Պարթևական բոլոր թագաւորնե-

րը կոչւում էին Արշակ, որ նշանակում է թագաւոր, իսկ թագաւորական ամբողջ ցեղը կոչւում էր Արշակունեաց ցեղ կամ Արշակունիք:

Արշակունիներից շատ մեծ անուն ստացաւ մասւանդ մէկը, որին ժողովուրդը, իր կատարած քաջականութիւնների և քաղցր վարմունքի համար՝ Մեծն Արշակ էր անւանում:

Նա Միջագետքից դուրս էր քշել մակեդոնացիներին ու տէր դառել Մարաստանին և Ասորեստանին:

Որքան մակեդոնացիները իրանց հպատակներին նեղում էին, այնքան Մեծն Արշակը աւելի քաղցր էր վարւում իր հպատակների հետ, որով էլ զրաւում էր թէ իր և թէ հարեւան ժողովուրդների սիրտը:

Հայերը, որ շատ նեղւած էին մակեդոնացիների գրած ծանր հարկերից ու բռնութիւններից, իմանալով Մեծն Արշակի այդ քաղցր վերաբերմունքը, դիմում են նրան ու ինդրում, որ նա գայ ու իրանց երկրին էլ տիրապետի:

Մեծն Արշակն օգտւելով հայերի հրաւերից, առանց ուշանալու, իր վաղարշակ եղբօրը մի դունդ գորք է տալիս և ուղարկում է Հայաստան թագաւորելու:

Վաղարշակին դիմաւորում է Բագարատ իշխանն իր գօրքերով, հետը տանելով նրա համար թանկագին ընծաներ: Բացի այդ՝ Բագարատը Վաղարշակի գլուխն է դնում Հայկանց թագը և պատկում նրան Հայաստանի թագաւոր:

Այսպէս է պատմում մեզ ժողովրդական աւանդութիւնը՝ Արշակունիների թագաւորութեան սկզբնաւորութեան մասին Հայաստանում:

Վաղարշակը Հայաստանի թագաւոր դառնալուց յետոյ, մի շարք պատերազմներ է մղում հարեւան աղքերի դէմ, որոնք չուզենալով Վաղարշակին թագաւոր ճանաչել, շարունակ յարձակւում էին Հայաստանի վրայ ու անհանգիստ անում:

Այսպէս օրինակ՝ Կապադովկիայի Մորփիստիկէլ և իշխանը, անցնելով այլ և այլ մանր աղքերի գլուխ՝ զէնք էր բարձրացրել հայոց նոր թագաւորի դէմ և սպառնում նրան:

Վաղարշակ երասի գետի ափին, Արմաւերի մօտ, իր զօրքը վարեցնելուց ու կարգի դնելուց յետոյ, գնում է Մորփիւղիկէսի դէմ, Եփրատ գետի արևմտեան կողմում թշնամիները հանդիպում են իրար և սկսում է կատաղի պատերազմը: Մորփիւղիկէսը պաշարելով Վաղարշակին՝ մահ էր սպառնում, բայց հայ իշխանները տեսնելով վտանգը, ընկնում են թշնամու վրայ, սպանում Մորփիւղիկէսին և ազատում իրանց նոր թագաւորին:

Այս առաջին յաջողութիւնից խրախուսւած՝ Վաղարշակն իր զօրքերով արշաւում է Հայաստանի հիւսիսային կողմերը ասպատակող ցեղերի վրայ և դուրս քշում նրանց Հայաստանի սահմաններից և այսպէս խաղաղացնում իր երկիրը:

II

Հայոց հին պատմութեան գիտը

(Մ. Խորենացու պատմածի համաձայն)

Մովսէս Խորենացի պատմիչը, որ ազգային աւանդութիւններն է գրի առել, պատմում է, որ երբ Վաղարշակին իր թագաւորական աթոռը հաստատում է Մըջագետքի Մծբին քաղաքում, հետամուտ է լինում իմանալու, թէ ովքե՞ր են եղել Հայաստանի հին բնակիչները, ինչ կարգեր, ինչ սովորութիւններ են ունեցել նրանք:

Ոչ մի գրաւոր կամ բանաւոր տեղեկութիւն չըգտնելով, Վաղարշակը՝ Մար-Աքաս Կատինա անունով ասորի գիտնականին, որը ծանօթ է եղել քարելական ու յունական լեզուներին, ուղարկում է նինւէ, Մեծն Արշակի մօտ և խնդրում է՝ թոյլ տալ նրան արքունի դիւնաստանը փնտրելու իր ուզածը:

Գրած նամակում Վաղարշակը յայտնում է հետեւալը. «Եղբայր, չի երևում, որ այստեղ (Հայաստանում) սրանից առաջ որեէ կարգ եղած լինի և ոչ էլ մեհեանների պաշտամունք. յայտնի չէ, թէ նվ է եղել այս աշխարհի գլխաւորներից առաջինն ու վերջինը, ոչ մի օրինաւոր բան չկայ, այլ ամեն ինչ տակն ու վրայ է եւ վայրենի»:

Մար-Աքասը, Մեծն Արշակի թոյլտութեամբ, փընտրում է նինւէի արքունի դիւնաստանը և վերջի վերջոյ մի հին գրւածք է գտնում. Այդ գրւածքը վերաբերում է Հայկի և նրա ցեղի բոլոր նահապետների,

իշխանների և թագաւորների կատարած գործերին: Մար-Աքասն իր այդ գիւտը բերում, յանձնում է Վաղարշակին, որը դրա մի քանի մասերը քարերի վրայ փորագրել տալով՝ հրամայում է նրանց կանգնել քաղաքների փողոցներում, որպէսզի մարդիկ ծանօթանան իրանց նախապալերի գործերի հետ, իսկ մի մասն էլ մեծ խնամքով պահ է տալիս իր արքունական դիւնաստան մէջ:

III

Վաղարշակ նոր օրէնքներ է ղնուած

Այժմ երբ արդէն Վաղարշակը ծանօթանում է Հայաստանի անցեալի հետ, նա մտածում է և ներկայի ու ապագայի մասին: Նա գիտէր, որ առանց օրէնքների, կարգերի ու կանոնների ոչ մի երկիր չէր կարող հարստանալ, զարգանալ, ուստի վճռում է այդ պականները լրացնել:

Նա ամենից առաջ սահմանում է այլ և այլ պաշտօններ, ինչպէս թագաւորական պալատի մէջ, այնպէս էլ ուրիշ գործերի համար: Այդ պաշտօնները նատալիս է ցեղապետներին ու իշխաններին:

Պաշտօնների այս կերպ բաժանումից առաջւայ բոլոր ցեղապետ-իշխանները այլևս կոչւում են նախարարները:

Նախարարները բաժանուում էին երկու կարգի, մեծ և փոքր:

Վաղարշակն իրաւունք է տալիս Բագրատ իշխա-

նին մարգարիտներով ու թանկագին քարերով զարդարւած՝ վարսակալ կը ել, նրա ցեղին է վերապահում հայոց թագաւորների գլխին թագ դնելու ամենամեծ պատիւը:

Այս Բագարատից էր առաջացել Բագրատոնիների յայտնի և հարուստ նախարարութիւնը:

Բագարատ իշխանից յետոյ, Վաղարշակը մեծ պատիւներ է տալիս Աժդահակի ցեղից՝ Մուրացան նախարարին ու նրան իր երկրորդն է նշանակում, այսինքն, երբ նախարարները թագաւորի մօտ ժողովի կամ խնջոյքի հաւաքւէին, Մուրացանը անմիջապէս նրա կողքին պիտի նստէր, յետոյ միայն միւս նախարարները՝ իրանց կարգով:

Ազդրունիներին պաշտօն է նա տալիս՝ թագաւորի առջեկց արծւէնշան դրօշակը տանել, իսկ Վաղարտոնիներին՝ որսի վերակացու է կարգում:

Բացի դրանցից, Վաղարշակն առանձին առանձին պաշտօնեաներ է նշանակում զօրանոցների, հաւանոցների, ամառանոցների և ուրիշ բազմաթիւ կարեւը գործերի վրայ:

Այսպէս բոլոր աչքի ընկնող պաշտօնները եկուոր նախարարներին տալուց ու նրանց սիրտը գրաւելուց յետոյ, Վաղարշակ չէ մոռանում նաև Հայկի ցեղին: Նա դրանց քաջերից ու հաւատարիմներից ընտրում ու կազմում է իր պալատի պահապան զօրքը, որ կոչում է Ռատան զունդ:

Ամենապատւաւոր պաշտօններից մէկն էլ ըրմութիւնն էր, որը Վաղարշակ յանձնում է Վահետունեաց ցեղին, յետոյ Հայաստանի ամենահին բաղաքում—

Արմաւիրում՝ մեհեաններ է շինել տալիս և նրան Սըրպազան քաղաք յայտարարում:

Այդտեղ էր, որ նա Արեկի և Լուսնի պատւին արձաններ է կանգնել տալիս:

IV

Վաղարշակն ինչպէս է կառավարում Հայաստանը

Այս բոլոր գործերի հետ, Վաղարշակը չէ մոռանում հետզհետէ կարգի բերել նաև իր զօրաբանակը:

Նա իր զօրքի ընդհանուր հրամանատար, ինչպէս և բոլոր հեծելազօրքի պետ է նշանակում Բագարատ նախարարին, իսկ Մուրացան նախարարին է յանձնում հետևակ զօրքերի կառավարութիւնը: Դրանք էլ իրանց օգնականներն ունեն:

Նա Հայաստանը բաժանում է նահանգների և գաւառների և դրանց կառավարութիւնը յանձնում զանազան նախարարների:

Այն նախարարները, որ ապրում էին սահմանների վրայ, պարտաւոր էին իրանց բանակը միշտ կազմ ու պատրաստ պահել, որպէսզի թշնամիների յարձակման դէպքում՝ կարող լինէին հայրենիքը պաշտպանել:

Սահմանապահ նախարարներից գլխաւորներն էին հետևալները, հիւսիսում Գուգարաց բգեշիքը, հիւսիսարևելքում՝ Սիսակեանները, հարաւարևելքում՝ Կաղմեանները, հարաւում՝ Աղճնեաց բգեշիքը, իսկ աշրկմթքում՝ Անգեղ տոհմը, որի համբաւոր ներկայացուցիչը Տորք իշխանն էր:

Վաղարշակն իր գրած օրէնքների գործադրութեան վրայ հսկելու համար, թէ գիւղերում և թէ քաղաք-ը բրում, առանձին-առանձին ղատաւորներ է նշանակում:

Նա մինչև անգամ իր պալատում երկու մարդու պաշտօն է տալիս, որոնցից մէկը պարտաւոր էր յիշեցնել թագաւորին իր գործած անիրաւութիւնները, իսկ միւսը՝ յանցաւորներին պատժելը:

Այս բոլոր գործերը կարգ ու կանոնի տակ դընելուց յետոյ, Վաղարշակը չէ մոռանում և մի շատ կարևոր բան, այսինքն զահաժառանգութեան խնդիրը, որը կարող էր, իր մահից յետոյ, պատճառ դառնալ արիւնհեղութիւնների:

Նա կարգադրում է, որ թագաւորի մօտ մնայ միայն անդրանիկ որդին, իսկ միւս որդիներն ու ազգականները՝ ուրիշ աւելի հեռու նահանգներում ապրեն:

Այսպիսով Վաղարշակն իր թագաւորութեան աւելի քան 20 տարւայ ընթացքում այնպիսի կարգեր և օրէնքներ է սահմանում հայոց աշխարհի համար, որոնք մինչ այդ ժամանակ միանգամայն անծանօթ էին հայ ժողովրդին:

44.

ԱՆՏԱՇԵՍ ԱՇԽԱՐՀԱԿԱԼ

Արշակունիները թէկ հետզհետէ բազմաթիւ երկիրների տէր են դառնում, բայց դրանցից իւրաքանչիւրն ունէր իր առանձին թագաւորը:

Այդ թագաւորների մէջ, առաջին տեղն էր բըռնում պարթևականինը, իսկ երկրորդ տեղը՝ Հայաստանինը:

Վաղարշակի թոռը, Արտաշէսը, որ Հայաստանում էր թագաւորում, մի հպարտ ու պատերազմասէր մարդ էր: Նա իր հօրը, Արշակի գահը նստելուն պէս, ցանկանում է թագաւորների թագաւոր դառնալ, ուրիշ խօսքով՝ խլել պարթևաց թագաւորից առաջնութեան պատիւը:

Հէնց այդ պատճառով էլ, նա յարձակւում է իր ազգակից Արշական թագաւորի վրայ և խլում նրանից ինչպէս առաջնութեան, նոյնպէս էլ փող կտրելու իրաւունքը: Պարթևաց երկրում նա իր համար մինչև անգամ պալատ է շինել տալիս ու իր պատկերով է փող կտրում:

Արտաշէսն այս յաջողութիւնից խրախուսւած, վճռում է արշաւել դէպի արեմուտք՝ նւաճելու համար Փոքր Ասիայի մանր-մունր ազգերը և յետոյ, Մեծ ծովի (Միջերկրական) վրայ նաւարկելով՝ գնալ, հասնել հեռաւոր Յունաստան և տիրել այդ գեղեցիկ երկրին:

Նա իր այս միտքն իրագործելու համար, նախ Տիգրան որդուն Արարատեան երկրի վրայ թագաւոր է կարգում, յետոյ Հայաստանի հիւսիսային երկիրները—Պոնտոսն ու Կովկասը յանձնում է իր դաշնակից Պոնտացի Միջըդատ իշխանին և նրան կնութեան է տալիս իր Արտաշամայ աղջիկը:

Այդ բոլորը կարգադրելուց յետոյ, իր հպատակ ազգերից նա անթիւ, անհամար զօրք է հաւաքում և արշաւում է դէպի արեմուտք:

Արտաշէսի զօրքի թւի մասին պատմում են, որ

եթէ իւրաքանչիւր զինւոր միկնոյն տեղը մի քար գըցէր՝ այդ տեղում ահագին բլուր կը ձևանար. որ երբ գետից ջուր խմէին՝ գետը ցամաքելու աստիճան կը պակասէր: Պատմում են նաև, որ երբ այդ զօրքերը մի-մի նետ էին արձակում, արել խաւար, և լոյս-ցերեկը մութ էր գառնում: Նրա զօրքերը այնքան բազմաթիւ էին, որ անկարելի էր համարել, ուստի չափելով էին միայն կարողանում որոշել չափը:

Այս ոյժերով Արտաշէսը որտեղից որ անցել է, բոլոր թագաւորները ան ու սարսափի մէջ են ընկել և շատերը երկիւղից ընդ առաջ գնալով՝ թանկագին ընծաներ են մատուցել և իրանց հպատակութիւնը յայտնել:

Արտաշէսը տիրելով Փոքր Ասիայի շատ երկիրներին, այդ տեղերից պղնձից ձուլած ու ոսկեզօծ շատ կուռքեթ է ուղարկել Արմաւիր և հրամայել է, նրանց կանգնեն այլ և այլ մեհեանների մէջ:

Այս Արշակունի աշխարհակալը վերջապէս հասնում է Մեծ ծովի եզերքը և իր նաւերով անցնում ծովի արևմտեան ափը—Յունաստան: Նա այնտեղ, շատ հարուստ քաղաքներ, մեծ ու փոքր գիւղեր աւերելուց, քանդելուց յետոյ, բազմաթիւ յունական կուռքեր է Հայաստան ուղարկում, որոնք նոյնպէս զետեղում են հայոց աստւածների կողքին:

Այս ան ու սարսափ ազդող Արտաշէսը, երբ պատրաստում էր աւելի ու աւելի հեռու՝ մինչև Հըռոմ գնալ, խորամանկ հոռմայեցիք, փոխանակ պատերազմելու, առատ ու փայլուն ոսկիներով կաշում են նրա զինւորականներին ու նրանց ձեռքով սպանել տալիս այդ յանդուզն մարդուն,

Հպարտ ու փառասէր թագաւորը մեռնելիս՝ հետևեալ բացականչութիւնն է անում: «Աւաղ փառացսանցաւորի»:

45.

ԵՐԻԱՆԻ ԱՐՇԱԿՈՒՆԻ

I

Արտաշէսի փախուստը

Արտաշէս Լի մայից յետոյ, Արշակունեաց գահի վրայ մի շարք թագաւորներ են նստում: Այդ թագաւորներից Սանատրուկը, որսի ժամանակ պատահմամբ սպանվում է:

Եղանդ Արշակունի նախարարը, որ Սանատրուկի հեռաւոր ազգականն էր, հայ նախարարների մեծ մասի սիրաը գրաւելով՝ թագաւորական գահի վրայ է բարձրանում:

Սակայն Բագրատունի նախարարներից ոչ մէկը յանձն չէ առնում նրա զլիխին թագ գնել. որովհետև Վաղարշակի դրած օրէնքի հումածայն, թագաւորելու իրաւունքը պատկանում էր միմիայն Սանատրուկի ժառանգներին:

Այդպիսով Երւանդի ու Բագրատունի նախարարների յարաբերութիւնները հետզհետէ լարւում են:

Երւանդը կասկածելով, որ մի զուցէ Սանատրուկի ժառանգները նախարարների օգնութեամբ փորձեն իրանց հօր գահին տէրը գառնալ, հրամայում է բոլորին կոտորել:

Այդ կոտորածից ազատւում է միայն մի մանուկ՝ Արտաշէս անունով, որի ծծմայրը գաղտազողի փախցնում է նրան ու թագցնում կատուտան ծովի (Ուրմիոյ լիճ) մօտերքը՝ չեր գաւառում։

Բագրատունեաց ցեղից Սմբատ Բիլրատեանը, որ մի շատ յանդուգն ու քաջ նախարար էր, կոտորածի և Արտաշէսի փախուստի լուրն ստանալով, վճռում է մանուկ Արտաշէսին պաշտպան հանդիսանալ։

Նա իր երկու աղջիկներին՝ Սմբատանոյշին ու Սմբատուհուն Սպեր գաւառի իր հայրական կալւածից իսկոյն տեղափոխում է Բայրեղող ամրոցը և ինքն շտափում է որբացած թագաժառանգի օգնութեան։

Երբ Երւանդը իմանում է Արտաշէսի փախուստը, սաստիկ վրդովւում է և ամեն կողմ մարդիկ է ուղարկում, որպէսզի գտնեն նրան և տեղն ու տեղը նրա կեանքին վերջ տան։

Սմբատն Արտաշէսի հետ երկար ժամանակ ձորերի մէջ է թափառում ու պահում։ Քանի քանի անգամներ նրանք իջևանում են Մարաստանի բարձր սարերի վրայ ու մար հովիւների վրանների տակ գիշերում, մինչեւ որ յարմար ժամանակ գտնելով՝ անցնում են պարթևաց սահմանն ու ապաւինում Դաւեհ Արշակունի թագաւորին։

Դարեհը շատ սիրով է ընդունում թագազուրկ արքայորդուն և Սմբատին։ Նա Արտաշէսին պահում է իր պալատում և կրթում իր զաւակների հետ, իսկ Սմբատին նւիրում է ընդարձակ կալւածներ՝ Մարաստանի շրջանում։

Երւանդը շատ փորձեր է անում Արտաշէսին ձեռք ձգելու համար։ Նա Դարեհին դեսպաններ ու-

դարկելով աշխատում է համոզել, թէ նա Սանատրուկի որդին չէ, այլ մար հովհի որդի և Սմբատը խաբել է նրան։ Նա Սմբատին էլ է մարդիկ ուղարկում և, զանազան խոստումներ անելով, խնդրում, որ Արտաշէսին իրան յանձնի։

Դարեհ թագաւորը, հաւատ չընծայելով Երւանդի և ոչ մէկ ասածին, ընդհակառակը, հետզհետէ աւելի ու աւելի է սիրում իր խնամքին յանձնւած որբուկին ու նրա գաստիարակ Սմբատին։ Սմբատը Երւանդի մարդկանց խայտառակաբար յետ գարձնելով յայտարում է, որ Երւանդը մի գող է, մի յափշտակիչ, իսկ Արտաշէսը՝ միակ օրինաւոր ժառանգը հայոց գահին։

Երբ Երւանդի բոլոր փորձերը, Արտաշէսին ձեռք ձգելու համար, անյաջող են անցնում, նա դիմում է վրիժառութեան։ Նա յարձակուում է Բայրեղոդ ամրոցի վրայ, տիրում է նրան և Սմբատանոյշին ու Սմբատուհուն գերի բռնելով՝ տանում, փակում է Եփրատ գետի վրայ գտնւող՝ Անի ամրոցում։

II

Երւանդը պատերազմի է պատրաստում

Տարիների ընթացքում Երւանդն անկարող է լինում որևէ կերպով Արտաշէսին ձեռք ձգել, ուստի գալիք վտանգից ազատւելու համար՝ դիմում է այլ և այլ միջոցների։

Ամենից առաջ Միջագետքը նա տալիս է հռոմայեցիներին, որի փոխարէն նրանք պարտաւորւաւմ

Են օգնել Երւանդին՝ երբ նա պատերազմ ունենայ պարթևների հետ։ Բացի այդ, նա խոստանում է տարեց-տարի որոշ հարկ տալ նրանց։

Ապա Երւանդն իր գահը Մծրինից փոխադրում է հայոց հին մայրաքաղաքը—Արմաւիր։ Սակայն այդտեղ էլ նա երկար չէ մնում։ Արմաւիրի արկմտեան կողմում, Երասխ գետի ափին մի բարձրադիր վայր է նա ընտրում և այնտեղ շինել է տալիս մի նոր պարսպապատ քաղաք՝ Երևանդաշատ անունով։

Երւանդը շարունակ մտածելով իր թշնամիների մասին, դարձել էր վերին աստիճանի կառկածոտ։ Դրա համար էլ ինքնապաշտպանութեան մի շարք միջոցների է դիմում։

Նա Երւանդաշատ քաղաքը դրսից ամուր ու բարձը պարիսպով պատելուց յետոյ, քաղաքի մէջտեղումն էլ մի միջնաբերդ է շինել տալիս՝ երկաթէ դռներով։ Այդ դռները ցերեկները բացւում, իսկ գիշերները փակւում էին։ Միջնաբերդը քաղաքի հետ միացւած էր երկաթէ կամուրջներով։

Երւանդն ինքը ապրում էր հէնց այդ միջնաբերդում, ուր տեղափոխել էր նաև արքունական բոլոր գանձերն ու հարստութիւնները։ Նա Արմաւիրից չէր տեղափոխել միայն կուռքերը, վախենալով, որ չլինի թէ տօների պատճառով հաւաքւած ամբոխը մի դաւադրութիւն սարքէ իր դէմ։

Բացի Երւանդաշատից, Ախուրեան գետի վրայ, Երւանդը մի ուրիշ քաղաք էլ է շինել տալիս և հրամայում է այնտեղ փոխադրել բոլոր կուռքերի բագինները (արձանները), որի պատճառով էլ այդտեղը կոչւում է Բագարան։

Երւանդն է շինել տւել նաև Արաքսի հարաւային կողմում Երւանդակերտ ամուր բերդաքաղաքը,
Քուրմերին (հոգեորականներին), որոնք Հայաստանում բաւական մեծ թիւ էին կազմում և շատ ազդեցիկ գեր խաղում, իր կողմը գրաւելու և խիստ մօտիկից հսկելու համար, Երւանդն իր Երւագ եղբօրք նրանց վրայ քըմապետ է կարգում։

III

Երւանդն սպանւում, իսկ Արտաշէսը թագաւորում է

Զնայելով Երւանդի գործ դրած այնքան բազմատեսակ միջոցներին, որպէս զի վտանգից ազատուի, այնուամենայնիւ նա շատ տխուր վերջ է ունենում։

Մինչդեռ Արտաշէս արքայորդին, մեծանում էր Դարեհ թագաւորի պալատում, Սմբատ Բիւրատեանը զանազան արշաւանքներում ցոյց տւած իր քաջագործութիւններովն ու հաւատարմութեամբը՝ թէ բոլոր պարթև նախարարների և թէ մանաւանդ Դարեհ թագաւորի առանձին սէրն էր վայելում։

Սմբատի խնդիրքով պարթև մեծամեծները դիմում են Դարեհ թագաւորին և միջնորդում, որ նա Արտաշէսին օգնէ՝ իր հօր գահին տիրանալու համար։

Դարեհը սիրով ընդունում է այդ միջնորդութիւնը և Սմբատին գօրք է տալիս այդ նպատակով։

Սմբատն Արտաշէսի հետ, պարթևական բանակի գլուխն անցած, շտապում է դէպի հայոց աշխարհը։

Երւանդն այդ ժամանակ Ուտէացոց աշխարհումն էր: Երբ իմանում է Սմբատի ճանապարհ ընկնելը, իսկոյն շտապում է վերադառնալ Երւանդաշտ: Նա հայերից, վրացիներից բաւական զօրք է հաւաքում, ինչպէս և Կապաղովկիայից, Միջագետքից էլ հրաւիրում է շատ վարձկան գինւորներ և պատրաստւած է պատերազմի:

Երւանդը նախարարներին իր կողմը գրաւելու համար, հարուստ ընծաներ ու առատ պարգևներ է նւիրում:

Նա առանձին ուշադրութիւն է դարձնում Արզամ Մուրացան նախարարի վրայ և նրան է վերադառնում Երկրորդական գահը, որ իր նախորդները իւել էին նրանից:

Երւանդի բոլոր այս նախազգուշութիւնները սակայն զուր են անցնում: Հէնց որ Սմբատն ու Արտաշէսը երկում են Ուտէացոց սահմանի վրայ, սահմանապահ նախարարներն իրանց զօրքով անցնում են օրինաւոր թագաժառանդի կողմը: Երւանդի միակ ու մեծ յոյսը—Հռոմայեցիներն էլ՝ ուշանում էին:

Այս հանգամանքները շատ վատ էին ազդում Երւանդի մօտ մնացող միւս նախարարների վրայ և վրհատութիւն առաջ բերում նրանց շարքերում:

Սմբատի բանակը, Գեղարքունեաց սարերից անցնելով, գալիս համնում է Երւանդաշտից դէպի հիւսիս և Ախուրեան գետի ափին, Երւանդի դէմ բանակ դնում:

Պատերազմն սկսելուց առաջ, Արտաշէսը դադունի բանակցում է Արգամ նախարարի հետ ու խոստանում նրան աւելի մեծ պատիւներ՝ եթէ նա խօսք

տար պատերազմի հէնց սկզբում թողնել Երւանդին և անցնել իր կողմը:

Հնչում են փողերը, սկսում է պատերազմը:

Արտաշէսի հայ և պարսիկ կտրիմները, հետիոտն թէ ձիւաւոր, կատաղի արշաւանք են սկսում:

Արտաշէսի դրօշակների ծածանման հետ Արգամը թողնում է Երւանդի բանակն ու իր զօրքով պատերազմի դաշտից յետ քաշուում:

Երւանդի բանակի աջ ու ձախ թևերի վրայ կըռւող նախարարները տեսնելով այդ, նոյնպէս խառնում են Արտաշէսի բանակին և կռւում իրանց նախկին տիրոջ դէմ:

Պատերազմը սակայն շարունակւում է:

Երւանդը թէկ մնում է միայն վրացի ու վարձկան զինւորներով, բայց նա կատաղի կերպով դիմադրում է և ամեն հնարք գործ է դնում մանաւանդ Արտաշէսին սպանելու:

Հասելէին վճռական ըոպէները: Վրացի ու վարձկան զինւորները սոսկալի կերպով ջարդում ու փախուստ են տալիս. միայն Տաւրոսցի քաջերն էին, որ յանդգնութիւն ունեցան առաջ մղւելու, պաշարելու Արտաշէսին վտանգաւոր կերպով և աշխատելու՝ իրանց Երւանդին տւած խոստման համաձայն՝ սպանելու Արտաշէսին:

Այդ վտանգաւոր ըոպէին, Արտաշէսի ծծմօր որդին՝ Գիսակը յանկարծ վրայ է պրծնում ու իր կեանքի գնով ազտառում Արտաշէսին:

Երբ Երւանդի այս վերջին յոյսն էլ է ջախջախւում և երբ նա տեսնում է իր զօրքի այգպէս չա-

րաչար յաղթւելը, նստում է ձի ու սրնթաց փախ-
չում դէպի Երւանդաշատ:

Ճանապարհին մի քանի տեղերում նա ձի է փո-
խում, որպէսզի արագ գնայ ու թշնամու ձեռքը չը
ընկնի, բայց քաջակորով Սմբատը մի գումարտակ
զօրքով հալածում է նրան, մինչև Երւանդաշատի դըռ-
ները:

Արտաշէսն այդ գիշեր մնում է պատերազմի դաշ-
տում և գրաւում բոլոր այն աւարը, որ Երւանդը թո-
ղել էր այնտեղ: Նա երկու կողմից ընկած բոլոր զին-
ւորների գիշակները թաղել է տալիս ու այդ օրւան
յիշատակի համար այդ տեղը Երւանդավան, այսինքն
Երւանդին վանած, փախցրած տեղ է կոչում:

Հետեւել առաւօտ, լուսադէմին՝ Արտաշէսն իր
բանակով գնում է Երւանդաշատի վրայ: Նա կէսօրից
առաջ հասնում է այնտեղ և հրամայում է իր զօրքե-
րին կանչել: «Մարամանո», այսինքն Մարն եկաւ: Դը-
ռանով Արտաշէս յիշեցնում էր այն նախատինքը, որ
Երւանդը հասցըել էր իրան:

Առաջին ուժեղ յարձակումից յետոյ, նախ պա-
հապանները և ապա բերդի զօրքերն են անձնատուր
լինում և պղնձէ դռները բաց անում: Արտաշէսի զին-
ւորները ներս են խուժում, ուր նրանցից մէկը պա-
տահմամբ, թրով Երւանդին սպանում է:

Արտաշէսը շատ վեհանձնութեամբ է վարւում նը-
րա գիշակի հետ: Նա հրամայում է, իբրև մօր կող-
մից Արշակունի, թաղել նրան յարգանքով ու վրան
մահարձան կանգնել:

Արտաշէսը Երւանդի յիշատակը բոլորովին ջնջե-

լուհամար, Երւանդաշատի անունը փոխում է և Մար-
մէտ է անւանում:

Այնուհետև Սմբատ Բիւրատեանը մտնելով ար-
քունական գանձարանը, այնտեղից վերցնում է Ար-
տաշէսի հօր, Սանատըռուկի թագը և բերում, գը-
նում է իր սիրելի Արտաշէսի գլխին ու նրան թա-
գաւոր պսակում հայոց աշխարհի վրայ:

41.

ԱՐՏԱՇԷՏՈՒ II

I

Արտաշէսի առաջին գործերը

Նոր թագաւորը գահ բարձրանալուց անմիջապէս
յետոյ, իր առաջին պարտքն է համարում, իրան օգ-
նող պարթևաց զօրքին մեծամեծ ու առատ նւէրներ
տալ և ճանապարհել Պարսկաստան:

Իր խոստմունքի համաձայն, նա Արգամին Երկ-
րորդական գահի հետ, շնորհում է նաև յակնթակապ
պսակ, երկու տկանջներին օղեր և մի ոտին էլ կար-
միր կօշիկ: Բացի այդ, նա իրաւունք է տալիս նրան՝
թագաւորի հետ սեղան նստելիս՝ գործածել ոսկի զլ-
ուալ, պատառաքաղ ու բաժակ:

Երիտասարդ թագակիրը չի մոռանում իր բարե-
րար Սմբատին: Արտաշէսը նրան է յանձնում բոլոր
հայ զօրաց սպարապետութիւնը, ինչպէս նաև ար-
քունի պալատի վերակացութիւնը:

իր աղաժարար Գիսակի որդուն, Ներսէսին էլ հողեր է տալիս և նախարարների կարգն է դասում ու նրա ցեղն անւանում է Դիմաքսեան, այսինքն՝ դէմքից կտրւած։

Մինչև այդ ժամանակ Երւանդաշատից ոչ շատ հեռու, Բագարանում քրմապետութեան պաշտօն էր վարում Երւանդի Եղբայր Երւազը, որն իր Եղբօր թե ու թիկունքը, ուստի և Արտաշէսի էլ կատաղի հակառակորդն էր Եղել։

Թագաւորի կարգադրութեամբ Սմբատը գնում է Բագարան, ըսնում է Երւազին ու խիստ կերպով պատժում նրան։ Նրա տեղ նա քրմապետ է նշանակում Մոգպաշուէ (մոգ պաշտող) անունով մի անձն, որ Արտաշէսի շատ մօտիկ բարեկամն էր, Յետոյ նա գրաւում է Երւազի բոլոր հարստութիւնը, նրա 500-ի չափ ծառաները, մեհենական թանկագին իրելն ու զարդերը և բերում, յանձնում է թագաւորին։

Թագաւորը Երւազի 500 ծառաները Սմբատին է պարգևում, իսկ գանձերի վրայ աւելացնելով ուրիշ շատ արժէքաւոր ընծաներ՝ Սմբատի հետ ուղարկում է իր բարերար Թարեհ թագաւորին և յայտնում իր սրտագին շնորհակալութիւնները։

Դրանից յետոյ Արտաշէսը, Երասխ գետի ափին, շինել է տալիս մի նոր քաղաք, զարդարում է նրան հոյակապ ու գեղեցիկ շէնքերով և իր անունով կոչում է Արտաշատ։ Նա Երւանդաշատից այդտեղ է փոխադրում իր թագաւորական գահը. Նրան գարձնում է իր մայրաքաղաքը, և այնտեղ է տեղափոխում Բագարանում եղած բոլոր աստւածների արձանները։

Այդ քաղաքի առետուրի և արհեստաների զարգաց-

ման նպաստելու համար, Արտաշէսն Երւանդաշատում բնակւող շատ հրէաներին էլ բերում, բնակեցնում է Արտաշատում։

Արտաշէսի այդ զբաղւած ժամանակը, Հայաստանի սահմանների վրայ Երևում են հոռմայեցի հարկանանները բազմաթիւ զօրքերով և պահանջում են իրանց հասանելիք հարկերը, սպառնալով, որ հակառակ դէպքում կը խուժեն Հայաստան և ամեն ինչ տակն ու վրայ կանեն։

Արտաշէսը հոռմէական ահազին լեզչուններին ղիմադրելու պատրաստութիւն չունենալուն պատճառով՝ կատարում է նրանց պահանջը և հաշտուում հոռմայեցոց հետ։

II

Արտաշէսն ու Սալեհնիկը

Հազիւ էր պրծել Արտաշէսը հոռմայեցիներից, ահա Կովկասեան լեռնականները, միացած վրացոց մի մասի հետ, արշաւում են Հայաստան և սկսում ասպատակել հայոց երկիրները։

Արտաշէսն այս անգամ հաւաքում է իր զօրքերն ու հասնում կուր գետի ափը, ուր առաջին ճակատամարտին յետ է մղում թշնամիներին, որոնք գնում, բանակ են դնում գետի ձախ ափին։ Արտաշէսը կանգ է առնում նոյն գետի աջ կողմին։ Այդ պատերազմում Արտաշէսը գերի է վերցնում Ալանաց թագաւորի որդուն։

Ծերունի թագաւորը դեսպանների միջոցով ա-

դաշում, պաղատում է, որ Արտաշէսը բարեկամանայիր հետ և վերադարձնի գերի ընկած որդուն, բայց Արտաշէսը մերժում է:

Արտաշէսի միտքը սակայն փոխում է, երբ Կուրգետի ափին երեսում է Սաթենիկը՝ ծերունի և վըշտահար թագաւորի գեղեցիկ ու աննման աղջիկը: Արքայադուստրը ձայն է տալիս Արտաշէսին և ասում:

—Ով մեծ և ազնիւ թագաւոր, ազատիր իմ սիրելի եղբօրս, միթէ հաճելի են քեզ իմ թշուառ հօրսօն ի բուն թափած արցունքները: Վայել է, որ երկու դրացի ազգերն այդ կերպ, միմեանցից վրէժ լուծեն: Աղաչում եմ, գթա, ողորմի իմ ալեզարդ հայրիկիս ու նւիրիր ինձ իմ սիրելի եղբօրս:

Սաթենիկի խելօք և անուշիկ խօսքերը, մանաւանդ նրա աննման գեղեցկութիւնը՝ հայոց երիտասարդ թագաւորի սիրաը շարժում են և նա անմիջապէս ազատ է արձակում Սաթենիկի եղբօրը: Ալանների վրաններում տիրում է չափից դուրս ռւրախութիւն:

Հայոց թագաւորը հէնց այդ ըոպէին հաւանելով աննման Սաթենիկին, Սմբատի խորհրդով, դեսպաններ է ուղարկում Ալանաց թագաւորի մօտ և արքայադուստրն իրան կնութեան է ուզում:

Համաձայնութիւնն առնելուց յետոյ, Արտաշէսն Ալանաց թագաւորին ընծայ է ուղարկում շատ ոսկի և կարմիր մորթ, որ լեռնականների մէջ խիստ յարգի էր: Ապա Սմբատն և ուրիշ շատ նախարարներ, արքայազուն իշխանների ու իշխանուհիների հետ, անցնում են գետը և գնում մեծ փառքով ու պատով

Սաթենիկին—հայոց թագուհուն՝ բերում Արտաշէսի վրանը:

Արտաշէսն Ալանաց թագաւորի հետ դաշն կապելուց յետոյ, վերադառնում է Արտաշատ, ուր սարքում են ճոխ հարսանեկան հանդէսներ, որոնց մասին Գողթան երգիչները շատ գեղեցիկ երգեր են երգել:

III

Արտաշէսի սարնեկարգութիւնները

Արտաշէսի աշքի ընկնող և փայլուն գործն եղել է այն, որ նա ամեն միջոց գործ է դրել և նպաստել հայ ժողովրդի յառաջադիմութեանը:

Արտաշէսն օտար երկիրներից բազմաթիւ գաղթականներ է բերել տալիս ու բնակեցնում հայաստանի անմարդաբնակ վայրերում:

Տարիների ընթացքում այդ տեղերում, գիւղեր ու ագարակներ են շինուում, և որպէսզի մէկի հողը միւսի հողերի հետ չը խառնուի, Արտաշէսը հրամայում է որոշ սահմաններ գծել և սահմանագլուխների վրայ քառակուսի քարեր տնկել:

Արտաշէսն որոշ կարգ-կանոն մտցնելով հողերի բաժանման մէջ, մեծ զարկ է տալիս երկրի մշակութեան գործին—երկրագործութեան:

Նա, բացի այդ, մեծ ուշադրութիւն է դարձնում արւեստների ու գիտութեան վրայ:

Հաղորդակցութեան միջոցները նրա օրով աւելի ևս կանոնաւորւում են, նա բազմաթիւ կամուրջներ է շինել տալիս, հրամայում է ծովակների ու գետերի

վրայ նաւակներ բանացնել և վերջապէս ցամաքի վը-
րայ, երթեկութեան համար՝ ուղիղ և հարթ ճանա-
պարհներ է կառուցել տալիս:

Փողովրդական երգիչների երգածի համաձայն,
Արտաշէսի օրով, երկիր չէր մնացել, որ անմշակ լի-
նէր, մարդ չէր մնացել, որ պարապ ու անգործ շրջէր:

Մինչև Արտաշէսի օրերը հայերը գրերի գործա-
ծութեան հետ ծանօթ չէին, ինչպէս նաև տարիների,
ամիսների, շաբաթների հաշիւը պահելու սովորու-
թիւնը չունէին: Նա առաջինն է եղել, որ մտցրել է
այդ բոլորը հայոց մէջ և այդպիսով նպաստել հայ
ժողովրդի մտաւոր յառաջադիմութեանը:

IV

Արտաշէսի վերջին օրերը եւ Արտաւազդ

Մինչև այժմ, ինչպէս տեսանք, Արտաշէսը գրե-
թէ իր բոլոր գործերում յաջողութիւն է գտել. բայց
այդ այնքան սիրւած, յարգւած մարդն էլ, ծերու-
թեան հասակում ունեցել է իր ընտանեկան շատ ցա-
ւերն ու հոգսերը:

Նրան մեծ վիշտ պատճառել են իր որդիները:
Սրանցից Արտաւազդը բնաւորութեամբ մի չար ունա-
խանձու մարդ է եղել, և դրա համար էլ ամբողջ իր
կեանքն եղել է չարութիւնների մի օղակ:

Նախանձելով Արգամի երկրորդական գահի և
բարձր պատիւ վրայ, նա գրգռում է հօրը՝ Արգամի
դէմ, ասելով, որ իբր Արգամը աչք է ունեցել թա-
գաւորական իշխանութեան վրայ:

Բանն այնտեղ է հասցնում, որ թագաւորը վեր-
ջապէս խլում է Մուրացան ցեղից երկրորդութիւնը և
տալիս Արտաւազդին: Նրանով սակայն չի գոհանումնա:

Մի անգամ Արտաշէսն ու իր որդիները, երբ Ար-
գամի մօտ ճաշի էին, արքայորդիներն աղմուկ են
բարձրացնում, թէ Արգամը թագաւորի դէմ դաւադ-
րութիւն է սարքել և ուզում է թագաւորին սպանել:
Այդ պատրւակով նրանք թափւում են ծերունի նա-
խարարի վրայ, ծեծում են ու մաղերից քաշկուտում:

Արտաշէս, սաստիկ վրդովւած, դառնում է Ար-
տաշատ և իր Մաժան որդուն յարձնում է մի գունդ,
որ գնայ և Արգամին պատժէ: Նա գնում է և Ար-
գամի ցեղը կոտորում, պալատն այրում ու ստաց-
ւածքն էլ արքունիք է գրաւում:

Դրանից յետոյ հազիւ թէ թագաւորի ու Արգա-
մի միջն հաշտութիւն էր կայացել ու վերջինն իր կալ-
ւածները յետ ստացել երբ Արտաւազդ վճռում է գրա-
ւել Արգամի նախիջնան քաղաքը և Երասխ գետի հիւ-
սիսային կողմ ունեցած կալածները: Արգամի որ-
դին չի կարողանում տանել այս բոլոր անարգանքնե-
րըն ու զրկանքները և ապստամբում է: Արտաւազդ
յարձակւում է նրա վրայ և յաղթելով Մուրացաննե-
րին՝ կոտորում է այդ ամբողջ ցեղը. Նա չի խնայում
նոյնիսկ ալեզարդ ծերուկին— Արգամ նախարարին:

Արտաւազդ Մուրացանների հետ իր գործն այս-
պէս վերջացնելուց յետոյ, աչք է գնում Մմբատ թիւ-
րատեանի պաշտօնների ու հարստութեան վրայ և ու-
զում է սպանել այն մարդուն, որ իր հօր խնամա-
կալը, պատարարն ու թագաւորեցնողն էր եղել:

Թագաւորն իմանալով Արտաւազդի այդ չար միտ-

քը, սաստիկ յուզւում, վրդովեում է, բայց խոհեմու վեհանձն Սմբատը, իր յօժար կամքով թողնում է իր բոլոր պաշտօններն ու հեռանում գէպի Կորդւաց աշխարհը: Այդպիսով Արտաւազդը դառնում է հայոց զօրքերի սպարապետ:

Նա արդէն հասել էր փառքի գագաթնակէտին, մնում էր միայն, որ թագաւոր դառնար:

Արտաւազդի միւս եղբայրները, սակայն, անգործ չեն մնում, նրանք էլ իրանց կանանց թելադրութեամբ, սկսում են խիստ կերպով բողոքել իրանց եղբօր գէմ, որ պետական բոլոր բարձր պաշտօնները իրան էր սեփականեցրել:

Արտաշէսնիր որդիներին խաղաղացնելու համար, իւրաքանչիւրին մի-մի պաշտօն է տալիս: Վրոյրին՝ արքունի պալատի հազարապետ, իսկ Մաժանին՝ քըրմապետ է նշանակում: Յետոյ իր ամբողջ զօրքը չորս մասի է բաժանում, որի արևելեան մասը յանձնում է Արտաւազդին, Արևմուտքինը՝ Տիրանին, հիւսիսայինը Զարեհին, իսկ հարաւայինը՝ Սմբատ Բագրատունուն:

Այնուհետև Արտաշէս լսելով, որ հոռմայեցոց պետութեան մէջ խռովութիւններ են ծագել, ապատամբւելու յարմար առիթ է համարում և դադարեցնում է հարկը տալ:

Հոռմայեցիք սրտնեղած, բազմաթիւ զօրքով, Հայաստանի արեմտեան կողմից վրայ են տալիս ու Տիգրանի հետ կուի բռնւելով՝ հալածում են նրան մինչև Բասենի հովիտը: Այնտեղ են հասնում Արտաւազդն ու Զարեհը իրանց բանակներով և պատերազմը նորոգում: Հոռմայեցիք սրանց էլ են խիստ նեղը

գցում: Վերջին րոպէին պատերազմի դաշն է գալիս ծերունի և փորձւած Սմբատն ու իր թարմ ոյժերով թշնամիներին ջարդում է և մինչև Կապաղովկիայի սահմանները փախցնում:

Այս յաղթութիւնից ոգևորւած՝ հոռմայեցոց հպատակ ուրիշ ազգերն էլ են ապստամբութեան դրօշ բարձրացնում և մերժում հարկ տալ: Այդ ժամանակ հոռմայեցոց գահի վրայ բարձրանում է մի նոր կայսր, որն անցնելով հոռմէական բազմաթիւ լեզէօնների գլուխը, յարձակւում է ապստամբների վրայ ու առանձին-առանձին նորից հպատակեցնում նրանց:


Արտաշէս վտանգի առաջն առնելու համար, շտապում է թանկագին ընծաներով գնալ կայսեր մօտ և ներողութիւն խնդրելով՝ խոստանում է ոչ միայն ապագայ, այլ և չվճարւած տարիների հարկերն էլ վըճարել:

Եւ այնուհետև նա մինչև իր մահը, հաւատարիմ է մնում հոռմայեցիներին:

V

Արտաշէսի եւ Արտաւազդի մահը

Վերոյիշեալ պատերազմից յետոյ, Արտաշէսը հոռմայեցոց կայսեր առաջարկով, մեկնում է պարթեաց երկիրը, որպէսզի դադարեցնէ պատերազմը և հաշտեցնէ կուող կողմերին, բայց ձանապարհին Մարանդ գաւառի Բակուրակերտ աւանում սաստիկ հիւսանդանում է:



Հ 31. Յանկարծ Արտաւագիլ անդունդն է պորտում:

Այդտեղ էր գտնւում Աքեղեան տոհմի Աքաղոյ անունով նախարարը, որ մի շատ կեղծաւոր ու շողոքորթ մարդ էր: Նա շատ է խնդրում, աղաչում Արտաշէսին, որ հրաման տայ իրան՝ գնալ Երիզա աւանը և նրա առողջութեան համար աղօթել Անահիտ աստւածուհուն:

Արտաշէսը թոյլ է տալիս Աբեղոյին գնալ Երիզա, բայց նա դեռ չվերադարձած՝ ծերունի թագաւորը մեռնում է:

Դառը կսկիծով է լսում հայ ժողովուրդը իրթագաւորի մահը, լսում են նաև արքայորդիներն ու նախարարները: Ամեն կողմ սուզ է տիրում. ամեն մարդ լաց է լինում: Արտաշէսին մինչև այդ չտեսնաւած կերպով են թաղում: Անթիւ, անհամար ժողովուրդ էր գնում նրա դագաղի առջեկից ու յետելից:

Որդիներն ու ազգականները, նախարարներն ու զինւորականները նոյնպէս շարան-շարան՝ հետեւում էին դագաղին:

Առջեկից գնում էին փողարները, ետեմից յալկան կանայք, որոնք տիսուր ու քաղցրածայն երգում ու փառաբանում էին Արտաշէսի կատարած գործերն ու քաջութիւնները: Դրանց հետեւում էին զօրքերն և ամբոխը:

Հօր դագաղի վրայ էլ Արտաւազգը ցոյց է տալիս իր նախանձու ու չար ոգին: Նա տեսնելով ժողովը կողմից իր հօրը ցոյց տրւած այս աննկարագրելի սկըրը՝ ասում է. «Հայր, դու որ գնացիր և քեզ հետ տարար ամբողջ աշխարհը, ես էլ ում, աւերակներին վրայ թագաւորեմ»:

Արտաշէսի մեռնելուց յետոյ, իր ժառանգը, Ար-

տաւազդը դառնում է Հայաստանի թագաւոր։ Պատմում են, որ մի օր, Արտաւազդը որսի գնալիս, երբ Արտաշատի կամքջովն էր անցնում, խելացնորւում է և գլորւում մի խոր անդունդի մէջ և անյայտ կորչում։



Վ Բ Ի Պ Ա Կ

Երես	Մող	Մպել է	Ախտի լինի
11	14	Նրանք	մարդիկ
20	14	գալ	գնալ
30	7	վերջակէտից յետոյ եղած ամբողջ նա- խադասութիւ- նը տեղափոխւելու է 14 տողը 2 բա- ռից յետոյ, և կար- դացւելու է՝	մարդիկ հետզհետէ սովորեցին բնակա- րան կամ տուն շի- նել:
31	8	կող	ձող
52	8	համարում	համարւում
56	4	Առաղաստանաւ	Առազաստանաւակ
62	20	նա շուռ է գալիս, {	նա ուզում է շուռ գայ,
87	20	անում	առնում
95	25	անդամ	անդամ



Արմ.

3-4921a

424

Վահառում է նոյն նեղինակների

ՀԱՅԱՍՏԱՆԻ ՊԱՏՄՈՒԹԻՒՆԸ

(Գլխաւոր Կէտերը)

Գիւղ—75 կ.



9913

